



蘇州府志

卷七十三



TIFFEN Color Control Patches

© The Tiffen Company, 2007

蘇州府志卷第一百三十四

釋道一

釋

晉

支遁


支曇籥

南北朝

竺道生

僧業

曇諦



中國社會科學院
宗教研究所藏書

竺道一 道寶

法儗

怀渡者

僧詮

僧瓌

僧鏡

蜚子和尚

僧号

僧林

智聚

唐

智珍

惠号

印宗

僧瑗

竺猷

僧若

惠響

智藏

圓光

法恭

慧璧

曇曜

法銑

道遵

齊翰

法欽

法相

湛然

義師

文暢

元浩

惟靖

鑒師

鹽空

甄公

元達

楚南

常達

貞誨

五代

希圖

彥偁

全怵

圓智禪師

貫休

紹明律師

宋

清順尊者

晤恩

希辯

贊寧

道原

遇賢

顥暹

法遠

良玉

定欽

卓契順

超信

宗本

仲殊

惠詮

淨梵

知和庵主

子英

智通

思悅

雲辨

曇玩

普鑿

懷深

道川

如瓊

紹隆

元淨

子元

法雲

宗杲

崇岳

法全

可觀

慧遠

原妙

清照

元

明本

了通

維則

普明

良琦

妙聲

宗衍

自厚

永珍

清琪

祖瑛

餘澤

清欲

僧靈

明

時蔚

知及

古拙俊

善學

萬金

僧儂

永隆

常在

至仁

慧無盡

文琇

大祐

姚廣孝

淨因

古道覺淨

溥洽

善啟

德珉

明心

寶明

宗洗

雪梅

性專

真覺

祖住

真可

妙顯

法杲

慧浸

用周

大澳

法乘

圓淨

大寂

大忠

國朝

智旭

弘恩

通潤

海性

性祇

法藏

等慈

海潮

明河

讀徹

通容

隱原

寂澄

通門

道源

照航

本學

弘儲

弘璧

正志

慶祐

大涵

原志

行演

暎青

本琇

自局

行如

同揆

顯謨
德元

實仍
南潛

智水

本豫

行臻

源遠

正華

超果

智依

無名

超源

明印

德峻

默可

佛宗

眞傳

超衡

行策

元照

灑睿

空霽

明福

成註

建純

古風


明澈

達受

祖觀

廣照

鶴順



蘇州府志卷第一百三十四

釋道一

二氏之教至今日而衰吳中自道光以後緇徒道流可傳者渺故所采殊畧

釋

晉

支遁字道林本姓關氏陳留人或曰林慮人年二十五釋形入道初居餘杭山後來吳住支硎山嘗於吳縣土山墓下合道俗二十四人為八關齋性好鶴嘗鍛其羽畜之視有懊喪意遁曰既有凌霄之姿何肯為人作耳目近翫養令翮成使飛

去又好養馬或曰道人畜馬不韻曰貧道重其神駿耳今有石室放鶴澗馬迹石皆其遺蹤也

乾隆志

竺道一姓陸吳人少出家貞正有學業而晦迹隱智人莫能知太和中出都止瓦官寺從汝公受學思徹淵深講傾都邑簡文帝深所知重還止虎邱山時若耶山帛道猷與一有講筵之遇以書招之乃東適耶溪與道猷相會郡守王蒼於邑西起嘉祥寺以一之風德高遠請居僧首一乃抽六物遺於寺造金牒千像一既博通內外又律行精嚴時人號曰九州都維那後住虎邱山以晉隆安中卒即葬於山南一弟子道寶姓張氏亦吳人聰慧夙成張彭祖王秀炎皆見推重

支曇籥本月支人清苦蔬食憩吳虎邱山晉孝武初敕請出都止建初寺孝武從受五戒籥特稟妙聲夢天神授其聲法覺因裁製新聲梵響清靡四飛卻轉反折還弄雖東阿先變康會後造未有如籥之妙所製六言梵唄傳響於今

以上高僧傳

法愔西域人義康中至中夏與惠遠結社廬山已而來吳以念佛三昧化導有情吳人翕然皈向建淨壽院居之院燬復建

即今萬壽寺也

吳都法乘

南北朝

竺道生本姓魏氏鉅鹿人初入廬山幽棲七年常以入道之要慧解為本故鑽研羣經萬里從師不憚疲苦後遊長安從什

蘇州府志 卷一百三十四
公受業關中僧眾咸謂神悟時泥洹經六卷先至京都經云
除一闡提皆有佛性生乃唱闡提之人皆得成佛於是舊學
以爲邪說遂顯大眾擯而遣之生正容誓曰若我所說背經
當見身癘疾若與實不相背願捨壽時據獅子座竟拂衣而
行入吳止虎邱山聚石爲徒講涅槃經至闡提有佛性處曰
如我所說契佛性否羣石皆爲點頭俄而投迹廬山後涅槃
大本至果稱闡提悉有佛性生旣獲斯經尋卽講說以宋元
嘉十一年於廬山法座講畢忽見塵尾紛然而墜端坐正容
隱几而卒

乾隆志 按江南通志列入晉代殊誤

師因就乞魚師施一餒者渡手弄反覆還投水游泳而去又
見網師更從乞魚網師瞋罵渡乃拾兩石子擲水俄而兩牛
鬪其網中網旣敗碎不復見牛渡亦隱行至松江乃仰杯於

水乘而渡岸

乾隆志引神僧傳

僧業姓王河內人幼聰悟博涉眾典遊長安從什公受業僑發
天然洞盡深奧什歎曰後世之優波離也值關中亂避地過
江吳張邵挹其貞素乃請詣姑蘇爲造閑居寺地勢清曠三
吳學士輻輳肩聯業訓誘無輟又以講道餘隙屬意禪門每
一端坐輒有異香充塞元嘉十八年卒於吳中

高僧傳

僧詮姓張遼西海陽人弱冠出家通內外典後過江吳郡張恭

請住虎邱山詮性好檀施周贍貧乏清確自守造人中金像

置於虎邱山之東寺晚年失明而策勵彌精講授不廢後卒

於臨安董功曹家病中見所造像來在西壁又見諸天童子

捧一臺來迎遂卒

任兆麟
虎阜志

曇諦姓康其先康居人漢末移止吳興諦父嘗為冀州別駕母

黃氏晝寢夢一僧寄以塵尾并鏤鐵書鎮二枚寤見二物在

案而諦生五歲示以二物諦曰此秦王所餉也年十歲出家

隨父之樊鄧遇關中若道人忽呼若名若曰童子何以呼宿

老名諦父具說本末并示以書鎮塵尾若乃悟而泣曰即先

師宏覺法師也師為姚萇講法華貧道為都講姚餉師二物

今乃在此追計先師捨命即寄物之日彌深悲仰諦晚入虎

邱寺講禮記周易春秋各七徧法華大品維摩各十五徧集

六卷行世後還吳興山居二十載元嘉末化去年六十餘

僧瓌姓朱吳人出家為僧業弟子總銳眾經尤明十誦兼善史

籍頗著文藻始住虎邱山宋孝武欽其風聞敕為京師僧正

止於中興寺時有僧定自稱得不還果瓌令現神足定辭瓌

云律有四因緣得驗一斷疑網二破邪見三除憍慢四成功

德定既虛誑事暴即日明擯瓌後移止莊嚴卒於所住

僧鏡姓焦本隴西人遷居吳地性至孝母亡廬墓泣血三年服

畢出家住吳縣華山寺後入關隴尋師受法還止京師徐湛

之甚重之復東返姑蘇專當法匠宋世祖敕出止定林下寺
元微中卒

道猷吳人初為生公弟子隨師之廬山師亡後乃見新出勝鬘
經歎曰先師者義闇與經同因注勝鬘五卷以宣遺訓宋文
帝問慧觀頓悟之義誰復習之答云生弟子道猷即敕臨川
郡發遣出京既至延入宮內大集義僧命猷申述頓悟時競
辨之徒關責互起猷積思參元又宗源有本乘機挫銳往必
摧鋒帝撫几稱快及孝武尤相歎重每稱曰生公孤情絕照
猷公獨轡直上可謂無忝微音元微中卒年七十一
以上高僧傳
蜺子和尚京兆人天監中住洞庭山沿江采掇螺蜺充腹靜禪

師往勘之捉其衣曰如何是西來意答曰神前酒臺盤靜曰
不虛與我同根生

江南通志

僧若僧璩之兄子也少而廉靜邑里推之十五出家住虎邱東
山精舍出都住冶城寺二十餘年吳郡陸慧曉陸澄深相接
待時年三十二志絕風塵東返虎邱王斌守吳每延法席普
通元年卒

僧曼姓孫氏家富春吳大帝之後七歲出家住虎邱西山寺為
僧迴弟子從迴受五經一闡能記張辯張緒皆異之緒曰松
柏雖小已有凌雲之氣既出都稟學名德柔次遠亮四公參
其講席聽者傾屬年二十六始於興福寺講成實論衣冠輻

蘇州府志 卷一百三十四
蘇州府志 釋道一 六
韓名振日下值齊季避地仍受請入吳及梁膺運禮接日隆
後感風疾吳郡太守張充吳興太守謝覽各表上延請二郡
迎候擁若雲霧天監末復救於莊嚴寺建八座法輪講徒彌
盛普通時疾又發夜還虎邱其年皇太子遣通事舍人何澄
銜命致禮又有敕移住開善在道卒早常務莊嚴寺宇虎邱
西寺朽壞日久並皆繕改以上釋道宣續高僧傳

惠響

康熙志作慧響

吳興人姓懷氏天監中居虎邱不得甘泉乃俯地

側聽得泉今名曰虎跑泉後駐錫馬鞍山謀建塔廟坐於山
脇石室閒有二虎爲侍方運籌思俄有神人謂曰願施千工
以成是夜風雷震吼林木號怒但聞撲斫聲明日奇石轟然

廣階駢砌事聞武帝爲造寺名惠聚響後住蝦蟆山示寂僧

感其開山乃斲石像於所憩石室至今猶存

姑蘇志參崑山志

僧林吳人深有道行梁大同中至漳州城西北豆園山上有神

祠甚靈異林往居之有大蟒蟻前舉頭如揖讓者林爲投

三歸受已便去自爾安帖卒無災異其山北涪水之陽素無

猿忽有兩頭來依遂孳乳數十後住赤水巖故寺寺中屋宇

並摧便即露坐有虎蹲於前林爲說法良久便去後卒於潼

郡

乾隆志引神僧傳

智藏姓顧氏吳人母夢眾星墜地取而吞之因有娠年十六代
宋明帝出家住興皇寺戒德取明學業通奧齊時流連會稽

復還吳郡永元二年重遊禹穴居法華山梁武崇信釋門敕
居開善寺累當講席初有野老工相人百不失一謂藏年可
至三十一藏時已二十九聞斯促報講解頓息竭精修道探
經藏得金剛般若受其誦讀誓畢命奉之至所厄年暮沐浴
誦經以待死至俄聞空中聲曰善男子由般若經力得倍壽
矣於是江左道俗競誦此經多有徵應藏以普通三年卒年
六十五續高僧傳

智聚姓朱氏住虎邱東山寺年踰弱冠便宏講說時同郡顧希
馮會稽謝峻岳並欽其德陳至德二年奉敕太極殿進講金
光明經天子嘉禮三年丁父憂銜哀幾至毀滅遂歸東山精

舍隋大業五年十一月二十四日終於本住卽窆於山之南

虞世南爲文

乾隆志

圓光姓朴本三韓新羅人也年二十五乘舶來金陵游歷講筵
投虎邱山遂有終焉之志願絕人事攝想宗旨隋初吳郡被
兵將加刑戮有大帥望見寺塔火燒急走赴救了無火狀見
光在塔前被縛將刑帥卽手解之臨危達感人以爲異顧渚志

唐

智瑛字明瓌姓朱氏吳郡吳人八歲出家事通元瓌法師十六
出都聽持法師講成實論聰明夙成深智開發後來莫及二

十九歸本寺開演辯對如流莫不嗟其少秀陳亡削迹虎邱將三十載憑巖面壑酌澗披松經隋之亂三吳益甚檀越弟子迎至毘陵首尾十載化行常郡武德七年蘇州總管李世嘉延歸山寺禪侶大集貞觀八年卒窆於虎邱之南嶺

按康熙志

列入南北朝在智聚之前誤

法恭姓顧氏吳郡吳人初生有異光事虎邱聚法師爲弟子受具後聽餘杭寵公成實配公毘曇大宏教法已而旋軫虎邱州將劉權屈還城邑住迴向寺唐貞觀十一年同常州法宣被敕赴洛特詔留住京師魏王泰降疏云法師笠澤上仁震維高德律行淨於青眼威儀整於赤髭貞觀十四年卒年七

十三還窆虎邱之南嶺

惠号字元素河東人九歲出家勤精潔業受具後從竹園寺志律師稟承十誦文理精通志公喪事畢東入會稽天台數年還吳止通元寺結徒礪業十七年不出寺門屬隋末崩離吳中饑饉守死不移禪誦無輟蘇州總管閻嗣安迎請出山固辭不往刺史李廉薛通王榮送入華亭谷幹山立寺行道數年更入海虞山隱居二十餘載遠方請業常百餘人中年別於南澗止一草庵兩兔一彪相親同止蘇州都督李世嘉遣使頻請不赴貞觀末年終年七十七

以上續高僧傳

慧璧姓弘蘇人七歲出家依法流水寺嚴師明教隨順修奉冠

肇已後周游訪道門人四遠咸來常坐不臥者四十餘年老無久力時撫轡几貞觀末年七十餘人稱揚者但云不可思

議大德也

乾隆志引劉鳳吳釋傳

印宗姓印氏吳郡人也從師出家精涅槃經咸亨元年抵京師

敕居大敬愛寺因辭往靳春謁忍大師後於廣州遇六祖能

大師始悟元理以能為傳法師又采自梁至唐諸方達者之

言著心要集盛行於世先天二年二月二十一日終於會稽

山妙喜寺壽八十七

乾隆志引景德傳燈錄

曇瓘姓顧氏吳郡人初謁牛頭山融大師融目而奇之乃告之

曰色聲為無生之鴆毒受想是至人之坑穽子知之乎瓘默

而審之大悟元旨尋晦迹鍾山茅庵瓦缶以終老焉唐天授

三年二月六日恬然入定七日而滅

五燈會元

僧瑗字辨空姓郁氏高平昌邑人年十三出家依虎邱寺慧巖

法師為弟子後詣江寧融禪師學心法勤行精進常披一衲

不計寒飢

僧贊寧宋高僧傳一卷在郁子二卷文集

按乾隆志云撰武邱名僧苑三卷今並載入藝文下有

著述者同又前志云虎邱西寺僧七寬字惟舊顧氏子學究天人臨卒屬其徒澹交紹建經藏兄子顧況為撰碑願見全

唐文

法銑姓孫氏母夢吞明珠而孕生有異表十五從師受具行學

一集蔚為教宗天寶六年於蘇州常樂寺續廬舍那像化示

羣品大曆二年講經常州龍興寺忽見異光大曆十三年十

一月七日化去春秋六十一慧命四十二吳興皎然為碑皎然字清晝嘗寓虎邱山刺史韋應物雅重之有杼山集見文氏虎邱志前志

道遵字宗達吳興張氏年二十詣天竺義威律師受戒後學天台一心三觀法門廣寫法華開經院於姑蘇支硎山大曆元年郡刺史韋元甫尚書劉晏等相與表奏賜名法華道場初天寶中於靈巖道場行法華三昧忽覩大明上燭於天我身正念儼在光中以問荆溪曰智慧光明從心流出將以顯發第一義天者也傳教門人靈翰法盛道忻猶子靈源皆支硎禪師善宏禪法乾隆志
齊翰字等至吳興沈氏子天寶八載配名永定寺十載躋五分

壇納形具戒移名開元大曆中轉隸武邱皆從兩州道俗所請也翰道性淵默外則淡然而精敏罕儔蘇湖戒壇每當請首大曆十年入流水念佛道場是夜四方念中頓現蓋純誠之所感也門人如隱戒壇宣兌等與吳興皎然結法門昆弟之友

法欽一名道欽姓朱氏崑山人也門地儒素年二十八從鄉舉赴京師路由丹徒過鶴林素禪師知有異操勸之出家欽聞悟識本心素乃躬為剃髮謂門人法鑒曰此子異日大興吾教尋登壇納戒鍊行安禪周旋三年辭素南征素曰汝乘流而行逢徑即止後到臨安徑山遂挂錫於此大曆三年代宗

遣內侍迎至京師賜號國一欽之在京及回浙令僕王公節制州邑名賢多執弟子禮崔渙裴度第五琦陳少游等皆曰爲功德山云貞元八年示疾而逝賜諡大覺全身起塔於龍興淨院天復中亂兵許思輩發塔見二襪上下合藏肉形全在而髮長覆面乃合襪而去崔元翰李吉甫邱丹各有碑碣法相姓俞長水人也大曆中於上京習毘尼諸部蔚成其業傳法東歸學者如林吳郡太守奏於開元寺置戒壇相預臨壇之選尋推爲寺綱卒葬來蘇鄉之原弟子率義州刺史曹信大理司直吳方重修塔見遺骨若銅色

湛然荆溪人左溪朗公之法子也大曆中說法於開元寺嘗云

一念無相謂之空無法不備謂之假不一不異謂之中在凡爲三因在聖爲三德始天寶終建中以自證之心說未聞之

法著述甚富行於世

以上宋高僧傳

義師貞元中蘇州人狀如風狂有百姓起店十餘閒義師忽運斤壞其簷禁之不止主人素知其神禮曰弟子活計賴此顧曰汝惜乎乃擲斤於地而去其夜市火唯所壞簷屋數閒存焉常止於廢寺殿中無冬夏常積壞幡木象悉火之好活燒鯉魚不具湯而食垢面不洗洗之輒雨吳人以爲雨候將死飲灰汁數斛乃念佛坐不復飲食百姓日觀之坐七日而死時盛暑色不變支不摧

西陽雜俎

文暢吳人與韓愈柳宗元善愈爲作送行序康熙志

元浩姓秦氏字廣成吳門人也初荆溪湛然傳天台三觀之學

嘗於開元寺講摩訶止觀浩從受業遂入其室補闕梁肅刺

史田敦請注涅槃經解其弟子智恆子瑜道儒仲儀仲良五

人比邱尼識微道異志真悟極四人皆高潔之流深練禪觀

浩階庭嘗生花非人間恆所見者又祥鳥飛馴五彩絕異刺

史崔恭撰塔碑立於虎邱山羅漢石壇之左

惟靖吳人年三十八入國寧寺求出家受具後便尋訪名山知

識嘗侵星赴禪林寺晨粥而多虎豹隨到寺門虎踞地若伺

候靖出復隨遲明巨迹極多靖恐人知以鋤滅虎迹俄患背

疽困睡有鳩鳥糞於瘡所非久全愈又虞冰雪備秬粒半斗

每日以銚合菜煮食置秬於地窖中過期用米常滿不耗靖

乃築之而云吾被此物知非理也以上宋高僧傳

鑿師元和初吳郡人馮生調選長安有老僧自稱鑿師詣生曰

汝吾甥也乾隆志云宋高僧傳作汝吾姓也相與往來歲餘馮得東越尉鑿

師負笈告去曰吾廬於靈巖寺之西廡久矣遊長安忽十年

幸與君相遇今將歸舊居故來告別然君赴越尉道出靈巖

寺下當一訪我後馮生詣寺詢僧鑿師廬安在僧曰吾曹名

無鑿者生始疑異至西廡下乃有羣僧畫像其一狀類鑿師

生大驚視其題云馮氏子吳郡人年十歲學浮屠法以道行

聞乾隆志引宣室志按乾隆志又云宋高僧傳謂即智積菩薩事蹟詳孫覲記別見靈巖寺下

鑿空姓齊初名君房吳郡人也康熙志作鑿空少貧苦勤學嘗困遊吳

楚開元和初遊錢塘至孤山西餒甚不前俄有梵僧臨流而坐顧空笑曰法師秀才旅遊滋味足未空曰旅遊滋味則已足矣法師之呼一何乖謬梵僧曰子不憶講法華經於同德寺乎應為飢火所燒不暇憶故事遂探囊出一棗大如拳令食之空食棗掬泉飲之忽欠伸枕石而寢頃刻乃悟憶講經於同德寺如昨日焉因涕泣問震和尚神上人悟法師安在梵僧曰震再為蜀僧神前願未滿悟坐於香山石像前戲發願今已得大將軍矣當時雲水五人惟吾得解脫獨汝為凍

餒之士由師子座上廣說異端使學空之人心生疑惑致此報應乃取一鑑令照曰要知貧賤之分修短之期佛法興替宜一鑒焉空覽照久之謝曰謹知之矣收鑑而去行十餘步旋失所在是夕投靈隱寺出家後周游名山愈高苦節大和元年遇柳理於龍門天竺寺親說其由且為題識言會昌滅

法事乾隆志云鑿空異記作續空

甄公姓魯氏江陵人應州舉三上中第未釋褐與沙門談元理乃願披緇挂錫於蘇之楞伽山時白居易守郡欽其談道堅

請出主流水寺大和三年化去年九十以上宋高僧傳

元達重元寺僧年八十餘好種藥致品甚多自天台四明句曲

包山叢萃紛糅各主名皮日休常為賦詩張景人物志按有重元寺藥圃互見古跡類前志又有志勤光化中至西洞庭水月寺結廬居焉天祐間刺史曹珪以明月名其院附見於此

楚南閩人也姓張髫齡投開元寺曇藹師受訓迨冠落髮詣五臺登成就趙郡學相部律往上都學淨名經不甘為漸教縛

遂往芙蓉山謁黃蘗運禪師機宜頓了裴休出撫宛陵請黃蘗出山南隨侍由此詣姑蘇報恩寺專行禪定足不踰閩二

十餘載乾符四年蘇州太守周慎嗣請住寶林院又請居支硎山昭宗聞其道化賜鹿胎衣五事宋高僧傳

常達字文舉俗姓顧海隅人也發跡河陽大福山遊學江淮諸勝寺專講南山律鈔後求涅槃圓旨法華止觀復通陰符老

莊百家之書盡二王之筆跡咸通中住破山寺不出林麓動經數載雖貴士單車詣門莫得而見縣志有懷述字體如吳人學涅槃伊字沙門遭武宗沙汰大中閒仍復僧衣與常達彥偈晤恩為破山四高僧塔皆在焉 乾隆志

貞誨姓包氏常熟人十三出家於本州龍興寺其性沈靜方踰一檢誦徹法華經如是恆業日周二部唐天祐元年至東京

相國寺講導法華經人未歸重及梁貞明二年宋州帥孔公知其道行置講堂於西塔院從此翕然盛集至後唐清泰二

年二月十一日望空合掌云勞聖眾相迎滿百徒侶爾日皆聞天樂之音頃刻而卒宋高僧傳 按郭若虛圖畫見聞志云吳僧繼肇工畫山水相國寺院有所畫屏風不知在何時附見於此

蘇州府志

五代

希圓張氏姑蘇人宗親豪富而獨捨家從登戒法不滯一方勤
 修三學光啟中徐約軍亂孫儒掠地吳苑俶擾圓由通元寺
 附商船避地甬東居會稽寶林寺即琅邪山頂山多靈怪蛟
 蜃之屬其名曰蛆有雙耳或緣竹木風雨必至今偏入圓房
 圓手執宛轉屑就乃為之受戒勿令作風雹之妖暨圓終後
 仍多暴風雨

宋高僧傳

彥偁姓龔氏常熟人朱梁時住破山興福寺戒行清苦嘗夜登
 閣有虎中矢咆哮伏地偁為拔之虎瞑目舐血而去殆曉獵
 者朱德尋迹而至示以矢朱感悟罷獵年九十九而逝

乾隆志引

吳釋傳

全怱崑山人初參南塔塔問從何而來曰鄂州塔曰鄂州使君
 名甚麼師曰化下不敢相觸忤曰此地通不畏師曰大丈夫
 何必相試塔靦然而笑遂乃印可時廬陵安福縣宰建應國
 禪院迎師聚徒本道上聞賜名清化後還故國錢文穆王特
 加禮重將闢雲峯山建院亦以清化為名忠獻王賜紫方袍
 不受改賜衲衣曰吾非飾讓也慮後人彷彿吾而逞欲耳聞運
 中示寂時大雨推震竹木

圓智禪師紹宗姑蘇人也性樸野少依本郡流水寺出家受具
 密契真要江南李國主建寺居之又入山請謁甚加禮重上

傳燈錄

貫休婺之蘭谿人著西嶽集自夢十五羅漢梵相缺其一告者
 曰師之相是也遂為臨水圖足之寓吳居萬壽寺甚久後入
 蜀署號禪月今寺有禪月閣以師得名也姑蘇志參中吳紀聞
 紹明律師崑山慧聚寺僧也後唐居半山彌勒閣一夕夢有神
 人曰簷前古桐下有石天王像與銅鐘師宜知之詰旦掘其
 地果獲之今尚龕置壁間姑蘇志

宋

清順尊者前志順誤作頌宋初魏庠守郡奏改虎邱律寺為禪迎尊者
 至寺為開山祖後有圓悟禪師說法張浚稱其法明正因超

卓奇特真古佛語姑蘇志參康熙志

晤恩字修己常熟人姓路年十三聞誦彌陀經遂求出家投破
 山興福寺受訓後唐長興中往崑山慧聚寺學律晉天福初
 從樵李皓端師習經論後微聞天台三觀六即之說冥符意
 解漢開運中造錢唐慈光院志因師講貫彌年通達法華光
 明經止觀論成洞元微雍熙三年八月朔於中夜觀白光自
 井而出謂門人曰吾報齡極於此矣至二十五日為弟子說
 止觀指歸及觀心大義端坐面西而化院僧皆聞空中絲竹
 嘹亮漸久漸遠西去焚獲舍利無算先是天台宗教會昌毀
 廢文義殘缺恩尋繹十妙研覈五重講大元義文句止觀二

十餘周使法華大旨流行於世恩之力也宋高僧傳

希辯常熟人幼出家聽戒律於楞嚴受心印於天台乾德初吳

越忠懿王以清泰院居之號慧智禪師太平興國中隨王入

覲見於滋福殿賜號慧明端拱中乞還故里賜御書急就章

逍遙詠秘藏詮及太平聖惠方凡一百三十卷以寵之按姑蘇

志謂辯即忠懿王子蓋本中吳紀聞 乾隆志

贊寧博物稱於時柳如京徐騎省與之游或就質問難嘗采經

傳物類相感者為書十卷康熙志

道原住永安禪院康熙志祥符中嘗進所纂傳燈錄三十卷詔

楊億等刊定刻板宣布乾隆志引杜敬人物志

遇賢姓林氏長洲人母初孕夢吞大珠生時祥光滿室少溺水

泝流復還遂出家郡城東禪寺性嗜酒人呼為林酒仙醉則

作詩時有警句尤能前知人禍福言無不驗疾病者書符與

之立愈郡守梅詢贈以詩日出入常攜一古藤三衣麤重貌

稜稜紅塵酒滿何曾醉知是僧中第幾僧初郡中有虎為害

遇賢見之騎以出城其害遂息一日度江風濤大作舟將覆

遇賢解袈裟為帆風浪便止其神異多類此顏貌奇怪口可

容雙拳手垂過膝日行路中常持一鐵椎見瓦甓輒碎之人

問其故答曰世路不平闔郡酒家得其飲酒獲利十倍有一

酒肆奉之甚謹賢將示寂至其家曰吾日飲汝酒未能酬直

今當相報耳乃大吐石臼中屬以紙封閉三日啟視則已結

如雞子未幾痲痢大行人服其一匕即瘥酒家因以致富祥

符五年上元日沐浴而化七日身不斂顏色如生其徒火之

取其骨塑為像今存寺中

姑蘇志

顥暹號寶雲姓陳氏世為吳人八歲出家受具戒服勤諸律心

大而行密修明典要奧通圓覺起信等論再問道於覺軻禪

師軻以法印示之遂臻妙悟後居堯峯為人師學者嘗數千

人久之示寂

乾隆志引倪天鎮志前志又有雪竇傳事蹟已詳翠峯寺今刪

法遠廬陵人姓王氏十九從嵩禪師受具戒皇祐初天平山為

范文正功德寺延之開山擬班固九流作九帶敘佛祖教義

博采先德機語參同印證學者傳之歐陽修造其室因與客

棋請其說法有從前十九路迷悟幾多人之句修嘉之號紫

石野人眾謂其諳吏事又號遠錄公

蘇志參康熙志

良玉字蘊之慧聚寺僧行甚高兼通文史之學善書工琴棋游

京師梅聖俞友之以聞於朝賜紫衣東歸聖俞以詩送之號

所居曰雨花堂

康熙志

定欽定慧院僧坡公謫惠州嘗擬寒山十頌使其徒卓契順往

惠州慰問坡公得書甚嘉之為和八首初契順之往且曰惠

州不在天上行即到耳投書往還公問其所求答曰惟無所

求故來惠州若有求者當走都下矣苦問不已乃曰昔蔡明

遠鄱陽一校耳顏魯公絕糧憐其載米遺以尺書至今天下知有明遠今契順雖非明遠然區區萬里之勤倘可援魯公例乎公遂為書歸去來詞今勒碑於寺

坡公集

超信字海印桂府琅邪覺公之嗣住蘇州定慧寺倡道多年年

八十餘平日受朱防禦家供養屢至其宅一日未問日和尙

後世能來弟子家託生否信微笑頷之及歸寺而疾數日而

化其日朱家生一女子圓照本禪師時住瑞光聞其事往訪

之方出月抱出見而一笑圓照喚云海印你錯了也女子哭

數聲化去有百丈野狐頌老僧詩為叢林傳誦

乾隆志引釋明河補續高

僧傳

宗本號圓照出管氏無錫人也性質直少緣飾貌豐碩言無枝

葉年十九師事承天永安道昇禪師後事天衣懷禪師漕使

李復圭請開法瑞光知杭州陳襄以承天興教二刹請蘇人

擁道遮留後住淨慈九年蘇人又尊歸居穹窿山福臻院熙

寧中被詔住相國寺慧林禪院召對延和殿既退上目送之

曰真福慧僧也若宗加號禪師元祐元年求歸其住瑞光民

有屠牛者牛逸赴本跪告自訴遂買而畜之其住淨慈歲大

旱湖井皆竭寺之西隅有甘泉自湧得金鰻魚因浚為井投

魚其間寺眾千餘人汲以不竭民張氏有女死夢其母曰我

以罪為蛇既覺得蛇於棺下持以詣本乃為說法復置故處

俄有黑蟬翔棺上而蛇失所在母祝曰若我女當入籠中當

持汝再詣淨慈如其祝本復為說法是夕夢女曰二報已解

脫矣其顯化異類又如此老居靈巖閉門頽然元符二年十

二月甲子將入滅沐浴而臥門人請安坐說偈索筆大書五

字曰後事付守榮擲筆愍臥若熟睡然撼之已去矣乾隆志引惠洪

傳前志云師全身塔在靈巖山見五燈會元

仲殊字師利承天寺僧初為士人預鄉薦妻以藥毒之遂為僧

時食蜜以解藥毒坡公與交號曰蜜殊工詩詞著有寶月集

姑蘇志

惠詮北禪寺僧佯狂垢汙而詩絕清婉嘗書西湖梵天寺壁曰

落日寒蟬鳴獨歸林下寺柴門應未掩片月隨行屨惟聞犬

吠聲又入青蘿去坡公愛而和之按前志云蘇集作守詮

夜話作東吳僧惠詮長洲志作惠詮北禪寺僧今按康熙志又作惠詮

淨梵嘉禾人姓笄氏康熙志作靜梵生甫十歲依勝果寺祝髮從湛謙

二法師學元祐初住郡之北禪寺講法華經修法華懺為三

期期為日二十有八精恪上通感普賢授羯摩法呼淨梵比

邱姑蘇志

知和庵主崑山張氏子兒時嘗習坐垂堂堂傾父母意其必死

師瞑目自若因使出家年滿得度趨謁泐潭潭問作甚麼師

擬對潭便打復喝曰你喚甚麼作禪師驀領旨即曰禪無後

無先波澄大海月印中天又問如何是道師曰道紅塵浩浩

不用安排本無欠少潭然之次謁衡嶽辨禪師辨尤器重元

符間住雪竇之中峯棲雲兩庵康熙志復有衣和庵主畜二

虎雪竇千丈巖頭有藤一枝蜿蜒其上下臨不測乃盤結成龕為師藏修之所逾二十年

故號棲雲卽此僧也康熙志復乾隆志以下不誤住慶元二靈三十年閉居無長物惟二虎侍其右一日威於

人以偈遣之宣和七年四月十二日跌坐而逝塑二虎於像

側至今存焉五燈會元

子英號覺印得法於圓通秀公坐大法會者九虎邱其最後也

政和七年七月十四日跌坐而化塔於東庵其徒智通號法

海與坡公善坡在密州有遺虎邱通長老書乾隆志

思悅治平中虎邱寺僧也編陶詩辨義熙以後止題甲子云自

庚子迄丙辰十七年晉安帝時作恭帝元熙二年庚申宋始

禪蓋二十年豈宋未禪以前遽有所諱耶顧湄虎邱志

南峰雲辨禪師平江人初謁穹窿圓忽有得遂通所見圓曰子

雖得入未至當也切宜著鞭乃辭扣諸席後參圓悟直入室

纔踵門悟曰看腳下辨打露柱一下悟曰何不着實道取一

句辨曰師若搖頭弟子擺尾悟曰試擺尾看辨翻筋斗而出

悟大笑由是知名一日入城與道俗行至十郎巷有問巷在

這裏十郎在甚處師奮臂曰隨我來

西山明因曇玩禪師溫州黃氏子徧參叢席宣和庚子回抵鍾

阜適朝廷改僧為德士師入頭陀巖食松自處後依圓悟主
京師因舉桴擊鼓頓明大法凡有所問皆對曰莫理會故流

輩咸以莫理會稱之

以上五燈會元

普鑒字佛慈住寶華扣真淨之室淨舉石霜虔侍者語聞之釋

然契悟作偈曰枯木無華度幾秋斷雲猶挂樹梢頭自從鬪

折疑中角直至如今水逆流

吳縣志

懷深生壽春自號慈受叟往靈巖三年作偈示學人云醍醐與

毒藥萬味同一口美惡盡消融是故名慈受最後得包山廢

院欣然駐錫紹興初入寂

康熙志

道川崑山翟氏子初以勇力為縣弓手聞東齋謙首座為道俗

演法往從之習坐不倦一日因失役遭笞忽於杖下大悟遂

辭役依謙謙為改名道川且曰汝舊呼翟三今名道川川即

三耳汝能豎起脊梁了辦個事其道如川之增若放倒依舊

翟三也師銘於心建炎初行腳至天封蹒庵與語庵稱善

康熙

志云建炎初游江湖駐淮西無為軍遇虎不為動虎亦馴伏

其傍忽大書一偈云我有一條鐵櫛標縱橫妙用無人識臨

行撥轉上頭關轟起一聲春霹靂危坐脫去歸憩東齋道俗尊事之學者請益金

按前志有德一傳事蹟詳見留珠庵今刪

如瓊建寧魏氏號證悟禪師居平江萬壽寺凡見僧必問近日

如何僧擬對即拊其背曰不可思議將示寂眾集復曰不可

思議乃合掌而逝

紹隆和之含山人也九歲謝親居佛慧院踰六年得度受具又五年荷包謁長蘆信禪師得其大略有傳圓悟語至者讀之歎曰想醉生液雖未澆腸沃胃要且使人慶快第恨未聆警效耳遂由寶峰依湛堂客黃龍叩死心次謁圓悟一日入室悟問見見之時見非是見見猶離見見不能及舉拳曰還見麼師曰見悟曰頭上安頭師聞脫然契證悟叱曰見個甚麼師曰竹密不妨流水過悟肯之尋俾掌藏教有問悟曰隆藏主柔易若此何能爲哉悟曰瞌睡虎耳後歸邑住城西開聖建炎之擾乃結廬銅峰之下郡守李公光延居彰教次徙虎邱道大顯著紹興丙辰示微疾而逝後塔於寺之西南隅又

元淨雙溪人繼住虎邱與紹隆皆勤禪師法嗣也

以上五燈會元

子元號萬事休崑山茅氏子母柴氏夜夢一佛入門次旦生因名佛來父母早亡投延祥寺出家少習止觀定中聞鴉聲悟道頌曰二十餘年紙上尋尋來尋去轉沈吟忽然聽得慈鴉叫始信從前錯用心於是利他心切普勸念佛代爲法界眾生禮佛懺悔祈生安養期白蓮懺堂述四土三觀選佛圖開示蓮宗眼目逆順境中未嘗動念高宗召見賜號慈照後於鐸城三月二十三日告眾曰吾化緣已畢時當行矣言訖合掌示寂茶毘舍利無數敕賜最勝之塔

康熙志並參乾隆志引釋秣宏往生集

法雲字天瑞姓戈長洲人習台教得法於南屏清辨政和中住

松江大覺寺賜號普潤大師紹興甲子歸景德寺嘗編集翻譯名義注解金剛經及心經疏息陰集等並行於世乾隆志引釋普

洽記

宗杲號妙喜建炎間賜號大慧普覺禪師翻經於生公臺東寺至華嚴七地品豁然大悟張魏公浚題其所居曰妙喜看經堂是也有像藏寺中自為之贊後止徑山嘗抗論和議之非

云乾隆志

崇岳號松源禪師生於處州龍泉吳氏年二十三棄家見大慧杲於徑山慧稱蔣山應庵為人徑捷遂往從之遊後入閩見木庵永公雖有契永公未肯云明明向汝道開口不在舌頭

上去參密庵傑禪師因語次大徹始會木庵前語出世於平

江澄照為密庵嗣已又遷虎邱終於靈隱乾隆志引陸游塔銘

法全崑山陳氏子從道川為僧一日行靜濟殿前偶撞其首於

柱間忽然大悟後住湖州道場山名無庵乾道己丑將入寂

眾求偈全瞪目下視眾請益堅遂書無無二字棄筆而逝火

後舍利五色塔於金斗峰乾隆志

可觀字宜翁華亭戚氏子聞舉唱般若寂寥忽有悟曰如服一

杯降氣湯乾道七年丞相魏公杞出鎮蘇州請主北禪寺適

當九日上座云胸中一寸灰已冷頭上千莖雪未消老步只

宜平地去不知何事又登高魏公擊節歎賞後歸當湖竹庵

年九十一化去姑蘇志參
佛祖通載

慧遠號瞎堂眉山彭氏子年十三隸藥師院為僧聽習經論棄

而依靈巖微公微有省發會圓悟領昭覺師即之聞舉龐居

士問馬祖不與萬法因緣師大悟自是機鋒峻發眾目為鐵

舌遠圓悟順寂師東下屢遷名刹由虎邱奉詔住皋亭崇光

孝宗召見賜號佛海禪師乾隆志引補
續高僧傳

原妙別號高峰吳江徐氏子母夢癯僧而免幼嗜跌坐稍長出

家習天台教不契入淨慈立死限學禪既而見雪巖欽令參

狗子無佛性且問誰拖汝死屍來應聲即棒嘗疑萬法歸一

一歸何處見雙徑五祖真贊疑始泮欽嘗問日間浩浩作得

主麼妙云作得主夢中如何曰作得主正睡著時無夢想見

聞主在甚處妙無語欽云從今不責汝學佛學法只饑飯困

眠纒覺抖擻精神看此際主人翁竟何在妙益警省咸淳丙

寅入龍鬚山誓欲一着予明白越五載中夜推枕墮地有聲

廓然大悟已卯入天目師子巖即石洞營小室榜曰死關洞

梯山以升弟子罕面乙未冬說偈泊然而逝有語錄行於世

乾隆志引家
之巽塔銘

清照字神濟慧聚寺僧善醫能預知人生死尅期無或爽者或

有奇疾以意用藥輒效馬先覺輓詩有殷勤療病肱三折去

住無名指一彈之句蓋實錄也崑新兩
縣志

元

明本號中峰禪師錢塘人姓孫氏十五出家弱冠閱傳燈錄有
疑往參天目高峰妙公高峰道汝孤峻師畫服力役夜事禪
定十年脅不沾席後於言下洞契師深自韜晦未嘗以師道
自任諸公請住山開法皆堅辭避之已而泛舟江淮之間所
寓庵皆曰幻住大德庚子結庵平江之雁蕩眾既夥遂成法
席然竟未嘗三年淹也師乘大悲願力為法檀度觀時適宜
隨機應物皆以身先之而不事空言有廣錄三十卷今在大
藏中乾隆志引釋
祖順行錄

永珍字季潛臨川人十三祝髮為僧過雪川舟覆忽有悟嘗來

憩虎邱又住常熟能仁嚴勁卓立風采振厲聞於四方至元
間有旨移住平江萬壽後築室葺門外以待參學者署曰天
隱庵大德庚子留偈化去火之得舍利并其骨塔於吳虞文

靖公為之銘

吳中人
物志

了通棲智林寺嗜酒一日通州狼山寺火眾見烈焰中有僧嘆
酒滅之自稱了通和尚其火燼皆帶酒氣明日眾渡江詣謝
了通力辭無之未幾沐浴而逝江南
通志

清琪字石屋常熟溫氏子年二十出家初見高峰峰器之令參
及庵庵問天目有何指示曰萬法歸一庵曰此是死句琪拜
求指的庵曰有佛處不得住無佛處急走過意旨如何琪不

契後入室再理前話琪答上馬見路庵呵曰在此六年又作
這箇見解琪發憤棄去途中見風亭豁然有省回語庵曰某
今日會得活句了也庵曰汝作麼生會琪曰清明時節雨初
晴黃鶯枝上分明語庵領之後卓錫霞霧山名曰天湖禪暇
喜作山居吟又住當湖福源禪刹大開爐鞴鍛鍊學者七年
引退歸天湖至正間朝廷降香幣賜金襴袈裟壬辰示微疾
而逝闍維五色舍利不知其數年八十一其詩頌法語刊行

於世 乾隆志引釋元旭塔銘

維則字天如姓譚氏吉之永新人初中峰本禪師住天目獅子
巖則得法於中峰至正間門人買地於蘇之東城因岡阜為

山有石蹲名獅子林且識法之源自天目獅子巖也自中峰
以來臨濟一宗化機局段為之一變故多論 有以巖會解

語錄別錄若干卷 乾隆志

祖瑛號石室吳江陳氏子出家於邑之普向寺得法徑山晦機
禪師住明州隆教雪竇育王及杭之萬壽 得痺疾造一龕
曰木禳日坐其中不涉世事至正癸未三月見一衰衣婦人
叩頭請師應身為國王師曰吾不願生王家逾十七日趺
坐而化 前志引續燈存稿

普明字雪隱松江曹氏子至元四年主雲巖寺寺久傾頽修造
一新環寺為渠六千餘尺善畫蘭與柏子庭齊名 前志

餘澤字天泉郡人陸氏子康熙志誤學大台教觀辭鋒辨博音吐如鐘大德十一年住永定寺遷北禪尋奉詔住杭之下竺

會朝廷命勘金書藏經澤居京師與翰林諸老往來倡和方

萬里於吾衍座上見其詩豪放因摘奇句為長春集序以歸

之長洲志

良琦字元璞江南通志作完郡人出家天平寺有詩名與楊維

楨顧仲瑛諸人倡和其詩多見玉山草堂集又妙聲字九泉

橫金人出家景德寺詩文有石泉錄宗衍字道原石湖人工

詩尤善書至正初主嘉禾德藏寺張景人物志參江南通志按乾隆志又有一清出家能仁庵著華嚴圓覺楞伽諸經論具見藝文茲不贅

諸經論具見藝文茲不贅

清欲臨海人幼入徑師禮虎巖間謁古林茂公茂云雖是後生

卻堪雕琢至正閒主席靈巖入院上堂云石門巖險鐵關牢

舉目分明萬仞高四十年中重到此始終不隔一絲毫吳縣志

自厚字子元吳人厯主穹窿秀峰諸山其徒中行深戒行居壽

巖庵山石不可穿并夢神告分七寶泉一脈來覺視其處泉

果湧出因號夢泉張景人物志參吳縣志

僧寧字居中博通內外典兼工吟咏元末淮張之亂築城虎邱

兵戈旁午寧臘高望重搆挂法門寺賴以全顧湄虎邱志

明

時蔚字萬峰溫之樂清人姓金氏生時母不欲舉姊舖養之七

歲夜中睹白光滿室十三出家十六問昇講主法華義昇知其有異令之參學康熙志云師年十一嘗誦法華經至請法外本來嘗自寂滅相忽有省遂入杭參止巖禪師示以南泉三不是語因十九詣虎跑止庵未契回明入達蓬山晝夜究竟至忘寢食州佛迹山禪坐忽聞寺主宗律師舉百丈問滄山淨瓶話豁然有解往華頂無見師處求決方答問拂袖出見云欲與汝受記汝年未更居山一二十年來未晚也後又得法於伏龍千巖傳衣令繼法行錫蘇州至鄧尉山止焉道風大振遠近來集洪武辛酉正月入寂上足弟子普壽普福善堅普隱普持普華普榮蓋千巖傳自中峰中峰傳自高峰高峰臨濟之十八世元之季宗門未墜世主亦極崇禮之未若今之替也

乾隆志引
吳釋傳

古拙俊吳江柳塘人出家越州日鑄寺參石屋琪及三衢懶牧得禪定工夫叩古梅三見三被棒歸里立限壁觀九年每三年燃一指歷燃三指忽大徹往見福林度法戰相契遂留首眾年二十八眾推出世遁迹下山韜光巖壑三十餘年洪武開奉旨剃度千僧住繁昌之東廬山永樂中被旨住天界寺遂終老焉震澤縣志智及字以中吳縣顧氏子入海雲院為童子既謁廣智訢公於龍翔微露文彩廣智大驚有嶼上人者呵之曰子才俊若此不思負荷大法甘作詩騷奴僕乎無盡燈燭所謂黃葉飄飄

者不知作何見解及噤不能答即歸海雲院目不交睫者逾月忽見秋葉墜庭豁然有省走徑山謁寂照端公寂照因勘辨之及應答不滯遂命執侍遷主藏室悉取三乘十二分教溫繹之遂大通宗貫至正中主杭之淨慈寺又住徑山洪武初應詔居天界寺以病還海雲卒有四會語錄乾隆志引宋濂塔銘善學字古庭吳郡馬氏子十二出家大覺寺十七得度為僧從林屋清公受華嚴於光福明年聞曹溪寶覺蘭公道行往依焉得受法界觀門并元文要旨蘭公甚相契許稱為入室若賢首疏鈔華嚴圓覺楞嚴起信諸部皆極深研究至正甲申無言宣公在報恩延為上座宣政院請師開法崑山薦福與

寅復主陽山大慈席學人愈眾洪武三年光福合道俗請師

居之已而被累遣居池陽乾隆志

萬金字西白吳郡姚氏仁寶積院道原衍法師為弟子更衣

入虎林謁銘古鼎於雙徑俾掌記室至正丁酉出世住瑞光

寺作孤雲庵於城東以養老母洪武改元起住持大天界寺

時召入禁廷奏對稱旨四年春詔集三宗名僧十人及其徒

二千建法會於鍾山命總持齋事承旨勅建規式以母耄舉

全室泐自代復還庵居五年冬復建會大駕臨幸詔師闡揚

第一義諦一日示微疾委順而化六年十二月也世壽四十

七列朝詩集

僧爾字日章常熟張氏子十七祝髮東遊四明時我庵無一住
 延慶石室瑛公居育王皆待以忘年既首眾報恩又為上天
 竺第一座出世住郡城永定教寺說法為慧光嗣遷崑山廣
 孝嘉定淨信洪武初善世院移文令住上天竺以高僧選留
 京師有旨就天界寺升座為眾說法聞者傾服上數召入禁
 中奏對稱允乾隆志引王
志堅府志稿
 永隆姑蘇施氏子年逾冠入尹山崇福寺為僧初寺燬於元季
 隆欲化募重建刺指血書華嚴法華二大經以立願書時筆
 端出舍利煜然有光人皆敬信遂哀資庀材先剏大雄殿舟
 往三衢購大木過錢塘江颶風漂筏將入海眾皆泣隆曰天

神來報故爾俄頃風轉迴筏抵江岸洪武二十五年大度僧
 眾四方沙彌請度者三千餘人試以經文多不能記上怒送
 錦衣衛悉籍為軍隆請焚身為諸僧求免許之至雨華臺望
 闕再拜入龕索筆書偈又取香一瓣書風調雨順四字語內
 臣曰煩奏上遇旱以此香祈雨必驗須臾秉炬自焚煙燄凌
 空異香撲人羣鶴飛翔龕頂良久火餘斂舍利無算於是上
 宥三千人罪給與度牒時大早上召僧錄司官迎隆所遺香
 到天禧寺禱雨以三日為期至夜即降大雨上曰此真永隆
 雨也御製落魄僧詩以彰之乾隆志引
道衍塔銘
 常在號別峰本江陰陳氏子方晬值亂兵掠其境母攜之避走

驚懼墜水不能救次日兵見錦棚小兒浮水面舉取其棚而體尚溫俄頃遂甦異之乃攜歸邑民張勝乞為養子遂冒張姓甫成童杭之集慶寺僧正純聞兒受難事甚苦求為徒張即捨之因名常在既長為僧住天界寺謁曇公公見師貌偉而聲如鐘器之俾領綱維眾皆悅服洪武二十年補雞鳴寺住持引見奏對稱旨久之太祖召僧錄司官諭曰前住雞鳴寺僧有福着他住育王寺越數載立教宏敷宗風遠揚永樂二年十月十三日無疾而化闍維五色舍利纍纍然其弟子奉歸薦嚴寺藏焉

乾隆志引周世昌崑山志

至仁字行中自號澹居子鄱陽人姓吳氏自幼出家於州之報

恩寺指空見而歎曰再世人天師也屬令參厚叟於徑山叟謂人曰仁書記虎而翼者也出世斬之德章越之雲頂崇報吳之萬壽洪武三年住虎邱雲巖四眾雲集通內外典尤邃於易虞集稱其謹奧有西漢風宋濂寄以詩云虎邱尊者名浮屠見性炯若摩尼珠被召至京奏對稱旨洪武十五年三月十九日書偈而逝

前志

慧無盡洪武時為虎邱藏主刺血書諸大乘經攻苦食澹孜孜

弗懈學教觀於古庭聽楞嚴於融室又從行中究別傳之旨

及示寂茶毘得舍利無算

顧湄虎邱志

文秀號南石崑山李氏子出家邑之紹隆庵禮智興為師嘗詢

法要於虎邱行中行仁禪師得言外旨洪武閒住郡之普門
遷靈巖萬壽永樂七年住杭州之徑山少師姚廣孝賀以詩
云升堂妙闡第一義緇白圍繞如春熙諸天散花無路入老
龍獻供伸鬚眉越四載退歸蘇之北山松院永樂閒無疾而

逝崑山志

大祐字啟宗號蓮庵俗姓吳氏幼開悟聞誦楞嚴咒隨口成誦
年十二出家寄心庵既壯為澤天泉司懺又之武林從及公

參禪洪武閒召與蔣山廣薦會遷郡之北禪歷僧錄司左右
善世會內難棄歸穹隆永樂初起修釋書姑蘇志

姚廣孝長洲人本醫家子年十四度為僧名道衍字斯道事道

士席應真得其陰陽術數之學洪武中選高僧侍諸王左善
世宗泐舉道衍燕王與語甚合請以從至北平住持慶壽寺
出入府中迹甚密及惠帝立諸王相繼得罪道衍遂勸舉兵
靖難師起道衍輔世子居守成祖即帝位授僧錄司左善世
帝在藩邸所接皆武人獨道衍定策起兵及帝轉戰山東河
北在軍三年或旋或否戰守機宜事皆決於道衍帝有天下
道衍力為多永樂二年拜資善大夫太子少師復其姓賜名
廣孝帝與語呼少師而不名命蓄髮不肯賜第及兩宮人皆
不受常居僧寺冠帶而朝退仍緇衣出振蘇湖至長洲以所
賜金帛散宗族鄉人監修太祖實錄輔太子於南京十六年

入覲病甚仍居慶壽寺車駕臨視者再卒年八十四帝震悼
輟朝命有司治喪以僧禮葬贈榮國公諡恭靖官其養子繼
為尚寶卿廣孝少好學工詩與王賓高啟楊孟載友善宋濂
蘇伯衡亦推獎之晚著道餘錄頗毀先儒識者鄙之其至長
洲候同產姊不納訪其友王賓亦不見但遙語曰和尚誤矣
洪熙元年加贈少師配享成祖廟庭嘉靖九年移祀大興隆

寺明

史

淨因字覺初號漚居吳江徐氏子十三學出世法見虎邱中行
復求明生死復曰生亦不死死亦不死因未喻一日讀楞嚴
至歸元性無二方便有多門豁然有省屏居遮山篤意究竟

久之從同庵簡於天界寺三閱寒暑深有證入辭歸受具說

法於定慧庵

按庵在十一都久廢

永樂甲午詔簡名僧修大藏經典因

兩與焉事竣還定慧刺指血書金剛彌陀經粉金銀為泥書

華嚴法華四十二章佛遺教彌陀楞嚴圓覺金剛經總若干

卷積十二年而成宣德庚戌常州守莫愚請主天寧寺席尋

任常州都綱丙寅示寂

震澤縣志

古道覺淨號月江雙楊沈氏子十五歲出家張墩古拙座下承

樂壬寅入錢塘古道山謁東明寺出一語契合列為弟子宣

德已酉披緇受具足戒久之問岳如何是祖師西來意岳曰

那里學得來覺淨曰這里來岳大喝覺淨亦喝擊以禪板曰

打的在這里不打的在甚麼處覺淨曰打的在這里不打的也
在這里曰這漢造佛殿竟但未是結果在覺淨乃入天
目山居活埋庵三年太子庵六年鹹酢不沾枕簟不御日惟
一粥歲惟一衲屏絕世緣游息無定天順中至莒城小鴻里
遂駐錫水心院歷二十餘年道行精峻請法者雲集成化己
亥正月傳衣鉢於門人道林唱偈而逝世壽七十九僧臘五
十一震澤縣志引釋大香撰傳
溥洽字南洲山陰人姓陸氏於郡之普濟寺禮雪庭祥公為師
從具庵現公於普福貫串經範旁通儒典禪定之餘肆力詞
章洪武二十二年召為僧錄司右講經陞左善世太宗召斯

道衍主教事洽以左善世遜衍而已居右後洽在詔獄衍已
位少師將卒時乘輿臨視問所欲言衍以洽為言不及他事

遂釋之乾隆志

善啟字東白號曉庵長洲宦族楊氏子甫能言即通內典父母
異之命禮永茂院主為浮屠主蘇州永定寺尋主松江延慶
寺授副都綱預修永樂大典校大藏經賜金縷伽黎嘗論儒
釋之分曰且各為其教又曰東魯垂道西竺見性皆莫先於
厚本故雖離父母而養生送死率從厚與兄弟極友愛前志
德珉字伯貞號石牕嘉興人洪熙閒住虎邱寺工詩又明心字
覺源洽平寺僧著宜晚堂詩集寶明號月舟亦洽平寺僧能

詩東春官顏寶之索衣有寄語故人顏吏部朝衣肯為大顛

留之句

前志參吳門補乘

宗洗號無塵宏治中居虎邱山誦華嚴一千部寒暑不輟捐衣

資立石闌四十柱於蓮池又建淨土橋石佛二軀禪誦之餘

端坐默視形如木佛蓋終身不出焉

吳都法乘

雪梅蘇州人蹤迹奇異不拘戒律好吟詩嘉靖中游金陵止報

恩寺每見法師講經輒笑曰亂說亂說專修淨土動靜無間

尋還蘇住竹堂寺年八十餘忽辭眾尅日行眾僧釀錢治龕

至期雲集梅笑曰爾輩纔布施幾文錢便要逼取老僧性命

尚早尚早眾廢然散去越數日端坐龕中泊然而化

前志引雪梅紀

略按江南通志福懋字大林亦竹堂寺僧少
有戒行畫學倪瓚書宗智永嘗游文徵明之門

性專字守庵崑山張氏子受戒於妙峰覺師隨峰住台南講演

諸經性獨踞領其教後詣華頂行頭陀行日誦法華嘗於禪

定中見琉璃寶地莫測其際創構無梁石殿三年落成感佛

放光夜明如晝最後住東禪寺萬曆丙午仲冬自知去期合

掌趺坐而化

前志

真覺崑山人姓王氏號妙峰居徑山傳衣庵初出月亭法師之

門亭無專宗與覺志別由是深究性具之旨而遙宗四明覺

梵相奇古言論風采如火輪聚不可攬觸自嘉靖甲子歲

以道化台南至己丑二十六年間歲無虛席

乾隆志引王
志堅府志稿

祖住字幻依丹徒楊氏子十三出家十九受具走少室依大章
五載復走伏牛山依高安凡十二夏戒律精嚴脇不沾席至
都謁松秀二師亦如之後往來吳下及江都演楞伽諸經尋
演華嚴鈔於京口萬壽寺前後登法座以十數萬曆甲申憇
蘇之蓮華峰丁亥復於承天寺構講堂九日忽示疾語其徒
道林曰二十二日不作離散可再轉華嚴但老衲不得曲順
人情至日晨起浴趺坐說偈而逝塔於蓮花峰年六十六當
行腳時夜恆有寶光燭之演華嚴至入法界品地震天雨甘
露及寶花如松紋演四十八願時有異人冠白冠冠有蛇四
足來聽怪之謂若冠有蛇對曰吾乃觀法而乃境觀倏不見

乾隆志引王
世貞塔銘

真可字達觀號紫柏吳江沈氏子生五歲不語有異僧過其門
摩頂謂曰此兒出家當爲人天師言訖不見遂能言年十七
出家虎邱寺二十從講師受具戒參張拙秀才偈頭面俱腫
一日忽悟腫亦消自是凌轢諸方過匡山窮相宗奧義遊五
臺至京師參徧融笑巖諸老歸吳復楞嚴廢寺於嘉禾創刻
藏經於徑山再入燕訪慈山於東海復戒壇於潭柘西遊峨
眉下瞿塘過荆襄登太和憇匡廬復歸宗古寺萬曆庚子南
康太守吳寶秀以礦稅被逮其妻投繯死可在匡山聞之歎
曰閻人橫行至此如世道何乃慨然入都時慈山清公以建

寺論成可每歎曰海印不歸我為法一大負礦稅不止我救世一大負傳燈錄不續我慧命一大負若釋此三負不復走王舍城矣及妖書事發忌者以可數至都門結交士大夫為罪案逮下詔獄但以三負事對無他辭已而送刑部獄執政者欲殺之可曰世事如此久住何為索浴說偈端坐而逝時癸卯十二月也可魁岸雄傑持身至嚴出家四十餘年脅不至席接人不假常情如鷹攫兔凡入室不契者一棒之下直欲頓斷命根其得法所自人莫能測清公以為可遠追臨濟近接大慧論者不以為過

乾隆志

妙顯長洲姚氏子削髮於磧砂寺初不讀書漸明內典住葑門

之化城庵養母盡孝既受儒者業講倫常性命之理曰佛教皆空濁善其身必聖人之道真實可行也時大吏聞其名召問禍福曰僧所知者為臣盡忠為子盡孝未然之事所不敢知亦不必知也予以金不受年八十餘仍歸磧砂而化遺命以儒家禮葬其徒從之

前志

弘恩號雪浪金陵黃氏子年十二出家長干寺長於憨山一歲比肩為沙尼事無極法師讀內外典利如奔馬憨山北遊遂以弘法為己任日據華嚴座講演盡掃訓故單提本文拈示言外之旨恆教學人以理觀為入法之門說法三十年賢首宗得繼席者以百計秉法而轉教者以千計南北法席之盛

近代所未有也恩高額廣觀肌理如玉具大人相博通經史
攻習翰墨晚年開接待院於吳之望亭日則隨眾作務夜則
篝燈說法以勞示微疾沐浴端坐而逝歸葬於雪浪山

法杲字雪山出家吳門之雲隱庵自幼修瑜伽法及長修出世
法與一雨潤巢松浸同參雪浪師於無錫之華藏寺杲與巢
雨矢心執侍金陵之華山京口之焦山往來棲息歷十餘夏
見世衰法微深自保護雪浪遷化杲亦繼之而巢雨之法席
始盛詩八卷王百穀極稱之巢雨輩遠不逮也

通潤字一雨蘇之西洞庭山人與雪山杲巢松浸俱受法於雪
浪恩公雪浪化後與浸公分路揚鑣大宏雪浪之道諸方皆

曰巢師講雨師注又曰巢雨二師雪浪之分身也潤初置鉢

於虞山北秋水庵後卜居鐵山絕影人間者五載疏嚴伽二
經於此署為二楞庵移住華山又移中峰示寂葬焉以上列朝詩集

慧浸康熙志浸作浸吳縣志又作侵字巢松得度於吳門之雲隱庵二十詣雲

棲受具戒究心大乘日背誦華嚴一帙嘗演賢首教觀人稱

為巢玄談萬曆閒住華山示寂列朝詩集參康熙志

海性號湛川崑山潘氏子嘗從衢州蓮臺禪師遊令參父母未
生時如何是本來面目久之未契一日乞食次見一田婦以

袖掩釜中飯且走且謬曰盡矣時性不食三日發大憫心眾
生慳貪一至於此當墮餓鬼吾必度此婦伫立移日不去他

人以飯來弗受也薄暮欲蹈不覺屈膝已田父歸譙讓其婦一市鬩然羣犬叫號性時恍如夢醒自此機鋒不可觸始居堯峰之龍洞後遊京師又遊五臺行諸苦行皆人所弗堪後復歸堯峰檀施雲集遂成露禪庵又於山之西麓復古興福庵集眾參禪爲吳中叢林與文震孟交最契震孟苦心未淨答曰依中庸者必遯世不悔未有先求不悔而後依中庸者

乾隆志引姚希孟塔銘

用周邑諸生諸姓名士遴字銓甫雲棲蓮大師命名曰大濟少從念佛得力繼閱念佛是誰語有省天啟癸亥受薙於博山無異禪師仍名大濟更字用周以字行往徑山修苦行省母

回崑宿玉柱塔後草庵示寂其從弟大濟請示著力處曰大段著力不得大濟字圓行亦諸生名士述字明甫八歲見宰豕遂斷肉年二十四參雲棲蓮大師又從天台幽溪師遊盡得旨崇禎癸酉入堯峰興福寺落髮明年參天童密雲師圓菩薩戒後示寂於天池山蓮花峰之麓

崑新兩縣志

性祇字茂林長興人年十七捨身彌陀古院日課諸經更修苦行如是十餘年參雲棲和尚再詣天台聞師受具戒而傳衣於靈谷博貫諸宗年踰四十卓錫江西雲居閱藏尋居吳報國寺二十五年勅復寺宇爲南城叢林之冠乙亥扶病住彌陀庵講蓮花經預知大限至徑山掃塔還晤聞師舉手云君

在青山住我向白雲歸至期引旛在手高聲稱佛而化乾隆志引

申用
懋傳

法乘號洞聞吳江李氏子得法於紫柏大師初居虞山之中峰
徙天目中雲庵卒老破山慈和樂易具大人相天啟二年七
月示寂時方秋暑越三日垂首跌坐如入禪定蚊蚋卻避膚
理瑩潔觀者歎異漢月少曾請益收雲則其剃度受記者破
山一席孫枝繩繩香火弗替著述甚富多藏寺中常熟縣志

法藏字於密號漢月無錫蘇氏子十五薙度神者來告有四十
悟道六十歸空之懋記二十九受戒於雲棲又十年受具於
靈谷又十一年嗣法於金粟又七年開堂於鄧尉始居常熟

三峰甘半菽披百結備諸苦行既於郡城北禪寺著梵綱則
佛像放光開元禮石佛則石佛顯瑞迨至鄧尉興復萬峰道
場度徒百餘得法者十二人梵伊致一默成問石乘在可證
頂目徹澹子垣剖石壁於磐鴻具德禮繼起儲慧刃銛潭吉
忍乾隆志引董其昌塔銘

圓淨字竺璠長洲人瑞光寺僧天啟甲子建七佛閣延頂目宏
徹住持崇禎己巳修天寧浮圖感塔光天眼之異癸酉市木
荆江歸遇風巨木離筏矗立號號有聲淨呵曰材中塔心應
人天瞻禮何興妖作怪耶言訖若有物牽之下者塔成三年

圓寂吳縣志

等慈名廣潤吳興人俗姓錢氏少負文藻耿介重氣削髮於雲棲游虞山瞿元初延居拂水老焉葬破山四高僧墓梵行精嚴每造勝流評詩讀畫流連竟日程孟陽為詩悼之曰影堂月落泉鳴咽無復疏簾看弈棋其風致可見

大寂號鶴林居虞山之藤溪後主新塔卒焉戒律精進平等接物內典無不貫穿著金剛疏義合頓漸而一之為詩亦宣暢

佛旨以上前志

海潮字坦然太倉王氏子年二十七棄妻子薙髮於崑之曇華亭精持戒行崇禎庚午四月忽告眾曰我以甲子生亦以甲子往十五日甲子我往矣及期至山巔春風亭一躍而下端

坐於山麓而逝茶毘於城之東送者傾邑啟其篋得所為無

常脫殼偈焉偈曰三十年來是夢中追思一旦總成空今日

幻差之一念難再逢而今味有西來意徹透閻提關竅中

大忠字易成邑人王氏子住玉柱塔後草庵人以草庵稱之嘗

於道旁拾遺金十餅訪其主還之酬以二餅不受初禮雲棲

蓮師求度知其有母不許歸乞其母書捨字於左手乃允授

戒作沙彌入精進堂參念佛是誰語久之聞析薪有省後堯

峰延為首座領眾參研不生一法以上崑新兩縣志

明河字汰如揚之通州人姓陳氏十餘歲剃度究心大乘方等諸經兼工詞翰年十九依一雨潤公住鐵山繼住中峰既而

說法於杭之泉亭吳之花山白門之長干寺嘗於講期見羣鶴繞空飛鳴圍繞未幾示寂

乾隆志引錢謙益塔銘

國朝

○智旭吳縣鍾氏子父持白衣大士咒母夢大士送子而生三歲喪母年十三無書不讀以聖學自任著書闢佛凡數千言父見而責之示以雲棲竹窗隨筆乃焚所著論年二十父卒延僧作福見地藏本願經讀之始發出世志年二十四入湖州金蓋山為僧歷主溫陵漳州石城長水新安等處方丈廣宏台教時諸方禪士多以淨土為權教遇念佛人必令參究誰字師獨謂持名一法即是圓頓心宗晟溪雪簑翁聞之乃

延主慧明寺方丈順治己丑退休靈峰旋出雲游江浙間自號靈峰老人廣度故明諸老凡得遇師者莫不言下立悟歲

甲午正月二十一日端坐而逝塔於靈峰

金蓋心燈

○讀徹字蒼雪滇南呈貢趙氏子幼從雞足水月道人為沙彌年十九遠遊受戒雲棲參雪浪於望亭浪歿依一雨潤於鐵山與明河並為入室弟子博涉內外典賦詩亦多警句以華嚴經為法海非精研疏抄不能涉其津涯窮其奧邃遂與河訂分講之約河卒遂獨力荷擔雖病弗輟順治丙申應寶華山見月請講楞嚴至山中病劇作解嘲詩辭世偈而逝

乾隆志引

錢謙益塔銘

○通容字費隱閩人童真出家參學有年往見密雲密問以語容即喝密以番菩提擊其首容又喝屢擊屢喝顛頂俱裂血流至地忽然大徹晚住常熟維摩寺化後荼毘舍利無算弟子隱源能承其學日本國來請國師

世祖命往國主敬事之

康熙志

○寂澄號鑑明俗姓吳長洲縣人父號君仲母鄭氏年四十二依崑山玉柱塔院虛達禪師得度五十詣報恩寺茂林律師受具專心淨業一鉢之外別無餘物順治己丑示寂說偈云
我年七十一萬事皆已畢
放起即便行山青湖水白

吳枚傳

○通門字牧雲晚號澹翁年十六投洞聞和尚出家時住維摩

寺晚提一燈洞間問知曾讀書出一對云燈明能破暗門即應聲云法正足驅邪洞知是法器深加提誨後得法於密雲歸住破山刻法乳錄修明受益洞間緣起能詩文善書法著述甚富

○道源字石林復江許氏子初禮智林明公受具於古心律師聽講於巢松法師居郡之北禪晚歸虞山儀貌清古不招徒眾精專禪講博極經史註李義山詩三卷會吳江朱長孺箋義山詩多取其說

以上乾隆志

○照航字水觀俗姓郁年十九出家始居陽山西之法林庵渡海至普渡受具足戒還居庵中生平無文飾衲衣盂飯與言

佛法則應世諦則不應持誦不輟口臨終跏趺說偈泊然而

逝許墅關志引
徐枋塔銘

○本孛字楚莫十九都人出家崇義寺道白之法弟也少有智

慧不樂赴應本師戒月甚異之年十七歸本陳豁然頓悟應

對如流順治十六年

詔迎弘覺國師敷坐問道時隨師同謁

世祖者四大弟子本孛其一也在京月餘

御賜紫袈裟一襲帑銀五百兩

敕建紹興雲門禪寺康熙八年圓寂天童世壽三十九弟子茶

毘置塔五龍山吳江
縣志

請主席時殿屋傾頽師偕其徒祖善矢志力募越五年工竣

題偈於壁云參謁重疊山借宿千山石愛戲去來鴻胸膈着

未識旁通醫術視童病施金丹歲活孩可百計顧詒祿
虎邱志

○古風一名際風字澄谷號寒石天台王氏子七齡脫白於禪

林寺十五具戒於國清寺二十得法於理安漁陸和上乾隆

四十四年來蘇居葑門天寧庵庵久傾頽際以和平廣大為

眾所歸不數年葑為叢席為沙彌時天台齊侍郎目為法器

遊杭與錢塘梁學士為世外交及來蘇尤為長洲彭進士所

重葑溪開講步履時通閱六年退居支硎之吾與庵題其室

曰倚杖處江左勝流遊吳門者必造焉嘉慶十一年冬浙江

撫部清公安泰延主理安因慨然曰此祖庭也不可不在開席四年門庭復振十六年退歸梁學士書隱谷歸雲四字贈之際以無師智通內外典禪誦之餘兼事吟咏入滅塔於理安寺之側錢塘吳錫麒作銘

○真傳字會一吳縣人姓名性三年十九受五戒謁彭進士紹升於文星閣師事之參究三年年二十八祝髮於杭州大崇福寺豁谷和上易今名通內外典尤明楞嚴唯識奧義為人講說辭旨明暢嘉慶二十年二月一日示寂以上前志

○明澈字嬾庵俗姓沈吳中大族也年二十出家南禪寺能詩工書畫後入獅林主方丈石韞玉傳

○達受字六舟海昌人來吳主滄浪講席能詩尤善鑿金石入其室者鼎彝碑版常羅列几案阮文達公稱為金石僧

○廣照薦嚴寺僧也俗姓戚幼為傭工年二十隨邑中席姓幕遊山左得奇夢覺而告諸主人即徒步歸崑皈依薦嚴寺為僧見廟宇傾頽背負葦屨周歷城廂內外口誦佛號及木魚聲不絕戒食煙火如是者三年人鑒其誠爭相佈施不日而殿宇煥然頭禿腳赤冬夏一百衲衣寒煖不知也

○祖觀字覺阿長洲人俗姓張名京度幼不聘室為學官弟子名聲藉甚嘗佐州縣幕通達時務後棄儒冠入釋與父母及弟同時出家至常州天寧寺受具戒復謁金山歸吳即支遁

棲隱處築室西津橋畔顏曰通濟庵繞屋種梅五百樹課誦
其閒不輟吟咏與田夫野老習遇農田旱潦及地方疾苦輒
馳書城中知交轉訴當道爲之方略如濬河築壩禁山訴冤
等事不可枚舉當道有聞名造訪者談吐詼諧絕無蔬筍氣
郡紳曾請主鄧尉講席不應庚申之變避亂衝山山當太湖
中居民數百環山田皆窪下湖小溢卽淹道光閒十年九災
祖觀爲募捐田百餘畝建倉山巔遇饑則開倉賑之山中人
尤感其德未幾示寂山中人無老少咸頂禮哀悼云平生好
作詩而不自收拾今所存者皆其弟子所傳錄分出家前作
爲通隱堂詩出家後爲梵隱堂詩並行於世

○弘儲字繼起晚號退翁通州李氏子年二十五投三峰藏和
尙力參頓明大法藏許爲臨濟荷擔眞子有藏於雲龍用出
師吼之記住常州之夫椒祥符又歷台州之東山能仁天台
之國清興化慧明瑞巖天寧諸刹所至開堂說法衲子景附
順治己丑始居靈巖寺久廢儲至檀施雲湧遂成叢林繼遊
南岳德山大振宗風歸吳卓錫堯峰未幾仍返靈巖康熙壬
子秋示寂壽六十八

○弘璧字剖石無錫鄭氏子年十二出家樂誦華嚴宛然宿習
參三峰藏和尙頓悟元要結茅翠巖峰藏疾招回門頭安行
者夢神人與擁一沙門曰聖恩主人到也明日璧至遂令嗣

席晚年益棲心華嚴構華嚴壇精擇梵眾六時修禮

○正志號檠庵湖廣嘉魚人卽熊開元明崇禎中由崇明吳江

知縣擢給事中以建言廷杖謫戍武林開元自少受天如和

和記參覺來生大師仕吳入三峰藏室既值國難披薙隱匡

廬南嶽閒弘儲招致靈巖溫研七年乃承印記住三峰與濟

潮音仰山華山諸寺皆不上堂祇有示眾語六卷別錄十二

卷尤重毘尼編次戒法五卷自仰山還吳退居真際而逝

○慶祐

前志作慶祐誤

字自天溧陽李氏子投五臺湧泉寺出家南歸

參三峰藏未契再參瑞光徹舉三元三要祐信口呈偈遂許

入室鼎革之際結茅南國躬耕自給既遷香光律院掩關閱

藏者五夏說戒昭慶寺掃塔五臺山遊長安還主瑞光祖庭

傳戒二載退老香光示疾而逝

以上康熙志

○大涵字雁黃吳江潘氏子九歲爲僧長參靈巖弘儲從遊南

嶽歸愛台歛山水之勝遂卓錫焉在黃山躬耕聞嶺半伐木

聲忽有悟口占一絕語透宗旨自是作詩有名後主海鹽安

國寺席復出游羅浮歸至肇慶示微疾說偈而逝

江南通志

○原志字碩揆鹽城孫氏子天性高明豪邁不可羈勒父陞任

俠爲惡少年所害志泣血遁行數年卒手刃其仇祭告父墓

遂辭母出家依具德禮參究有省歷主徑山三峰靈隱祖庭

所至傾城崇奉座下恆千人康熙中

蘇州府志 卷之二十三 四
駕幸靈隱

御書雲林寺額賜金二百兩前後入坐道場能鑒別人品成就人材圓機慧辨不求合古法自與古法合至於諍所當諍辨所當辨孤行獨往雖貴有不能奪也嗣法弟子鍊飛量明巖照青雷震等三十人若庚辰進士沈近思亦自三峰蛾術而玉成者也

○行演字洪濟聞喜張氏子幼即不茹葷見三寶若夙契父母因捨出家十歲學毘尼精持木又二十受具徧參諸方順治戊戌隨大覺普濟國師

陞見奏對契合

賜衣四襲演拜受而謹藏之曰非道人飾也後住虞山藏海一衲遮身焚香靜坐足不踰戶率眾嚴肅說法無滯康熙庚申

說偈而逝

以上常熟志

○曉青字僧鑑吳江朱氏子祝髮郡之休休庵參靈巖弘儲受戒具為弟子弘儲游廣西命曉青踵其席康熙己巳

聖祖南巡

召見行在

賜御書與上方物及回

鑾曉青哀其語錄詩偈以進得

宣見

溫語加獎踰年得疾將入寂眾環侍乞一句子乃捉筆書曰平

日不要說今日卻要說識得這一句虛空釘木椽跏趺而逝

世壽六十有二建塔葬之蓮花峰下

前志引張雲章集

○本秀號節巖四川人天性機敏幼達宗理契天童法九遷大

刹道播江浙有全會法錄行世康熙四十二年住虎阜

聖祖臨幸加獎

賜詩

虎阜志

○自肩字道開號闔庵吳門周氏子出家虎邱師事蒼雪徹汰

如河通賢首慈恩二宗旨歸講圓覺於虎邱講涅槃於華亭

講楞伽於武塘妙義雲委如餅瀉水兼通詩畫順治壬辰六

月自橋李歸虎邱東小庵邀蒼公坐榻前手書訣別曰一事

無成五十二載一場懣懣雙手拓開斂容擲筆而逝塔在庵

右 顧湄虎邱志

○行如字子山號橐庵郡人姓黃母徐早背如痛念罔極遂棄

聘室矢願出家薙染於堯峰受戒於徑山契機於夾山得法

於南澗屹為宗門巨擘住洞庭之華嚴金澤之頤浩繼席南

澗堯峰夾山諸祖庭凡五座道場條令森嚴鉗錘猛烈學者

望風而退惟真參實究者依焉既歸老於郡之畫眉泉門人

集五會語錄吳江潘耒序之先是自營生藏於畫眉泉之旁

徐枋為之志銘周茂蘭為之篆額年七十七化去弟子超一

等泐塔銘於石楊无咎為跋其後前志

○同揆字輪庵文中翰啟美之子文肅公猶子也著有寒溪詩

稿詩皆人倫日用盛衰興廢之感墨名儒行斯人有焉按文氏

尚有名木光者文肅公會孫生而茹齋五歲擲管作大士像

二十版依靈巖繼起和尙後游京師卓錫盤山禪院畫山水

承家法兼工寫真卒於竺塢山其時僧之以詩名者顯謨字

堂即文肅故處也見畫徵錄

言成吳縣人實仍字可南洞庭山人德元字訥園長洲人南

潛字月巖烏程人出家郡之靈巖寺並有託而逃於禪者也

國朝別裁集

○智水號鐵山通經史饒武略精奇門遁甲術中年出世傳曹

洞宗開法於白雲康熙辛酉來居崑山東關外沈氏別業邑

之從游者數十人與人言悉本忠孝語及滄桑輒嗚咽叩其

里居姓氏不答一日羣盜入其室盡仆地涕出笑釋之居崑

久忽告眾辭行眾止之許留一歲至明年春正三日集眾跌

坐而寂前志

○本豫字林皋崑山陳氏子年十九脫白於堯峰誦金剛般若

至應無所住而生其心語有省參磬山修師受法歷主武林

寶巖姑蘇堯峰京口竹林法席順治三年預計逝日說偈辭

眾而寂

○行臻字性空代州人邊氏子母韓夢金牛入懷而生弱不茹

葷十餘歲薙髮為僧徧遊諸方聞天童密雲悟公法席之盛

往受具戒已閱大藏經有悟走謁費隱容公於金粟寺容公
卽悟公受法大弟子也命充監院積十三年深加器重曰先
師之道賴子不孤矣來棲崑山陳氏廢園開講席徒侶漸集
遂建選佛場後住京師龍泉寺編修翁叔元訪謁語未竟跌
坐而逝門人闍維四齒不壞得五色舍利三百顆函骨歸建
塔選佛場之原

○超衡字懶拙郡人鄧氏子家貧未嘗讀書識字中年落髮聖
恩寺受具自此徧參諸方後至明發有契受付屬遂傳臨濟
三十三世正宗至崑結茅持鉢著有語錄一卷衡自言於破
山參牧雲和尚呈偈後便覺明月千山光明一片左磕右觸

無非道理也

○源遠字非城俗姓孟氏九歲出家郡之獅子林受具戒於靈
巖碓庵和尚又證法要於杯渡際明法師徧歷諸方精研大
乘從際老人受付屬爲賢首三十一代法系康熙辛酉冬住
馬鞍山後準提庵講演法華尊經又詣獅子林宣說楞嚴妙
義嗣是德望日著歷主諸叢林歸老於邑之寶峰院專修淨
土法門無閒寒暑臨歿屬以所遺資貲同善會濟鰥寡孤獨
廢疾者年七十四

以上崑新
兩縣志

○行策字截流姓蔣父全昌宜興老儒也與憨山爲友憨山示
寂之三年全昌夢其入室而生子因名之曰夢憨及父母繼

逝投理安箬庵問公座下脅不至席者五年頓徹法原遂結
 庵西溪河渚開專修淨業因名其居曰蓮村庵康熙九年住
 虞山普仁院唱興蓮社學者翕然宗之二十一年七月九日
 示寂年五十五時有孫翰者病死一晝夜復蘇曰吾為冥司
 勾攝黑暗中忽覩光明燭天香華布空尊官皆伏地迎西歸
 大師問大師何人云截流也吾以師光明所照遂得放還同
 日有吳氏子病亦絕而復活具言所見如翰言前志
 ○正華常熟嚴墓李氏子少依巨德禪師記蒞康熙庚申將謁
 五臺道出睢州城北坐道旁臥鐘下諦視則李正華姓名在
 焉恍然悟前生之為行腳僧也地舊有鐵佛寺明季兵燬遂

矢願重建苦行三十餘年蔚成巨刹置常住田二頃飯南北
 往來緇眾康熙戊子春海寧查慎行過此觀而異之贈以詩
 云曾為行腳此經行聚鐵依稀鑄姓名重向荒村投一宿忽
 從古佛證前生斧斯荆棘還初地海湧樓臺現化城用盡萬
 金殘債了結伽依舊聽鐘聲敬業堂詩集
 ○元照字洞明歙縣人俗姓洪生時母陳忽聞迅雷年十四出
 家歷參大善知識皆得符契康熙癸未宋公牧仲方撫吳延
 主虎邱方丈升坐演法垂二十年以本分了悟為本分錘
 逝於康熙庚子六月二十五日劉吳龍洞明和尚塔銘

○超果俗姓袁名列星宇三垣其先錢塘人父珮始居崑山超

果少補諸生偶聞門外呼人聲驀然有省復誦金剛經無我相四句悟此無字不作虛無解請參白嵩俊老人言下有得始名超果嘗云五宗祇有濟洞而兩宗又祇有洞宗洞宗設立五位君臣有金針一一度人若濟宗祇是人種不斷耳康熙五十九年化於寶樹庵年六十二先是有智依者俗姓朱名金瑞字錫光割臂療親補太倉諸生世變披緇寶樹庵者其所葺也

○澗睿字日存吳縣人少脫白於瑞光後居東禪寺事母至孝素工六法遂以畫養名播江左有薦至京師者旋引疾歸蓋於世味泊如也與惠侍講士奇張檢討大受結詩社

以上前志

○和尚無名人卽以無名名之不知所自來審其語音似台州人住消夏灣破庵不持經卷不乞食絕粒半月不死與之食米可盡三升酒一斗炎月臥酷日積雪後宿山洞中嘗登莫釐縹緲二峰俯仰痛哭已而大笑人目爲狂初有以一大二人等字問之和尙瞪目視眾皆笑適有浙西名流會眾於包山寺咏寒梅押雲字未成和尚禱視笑眾曰爾能詩乎曰誰不能卽口吟云椒眼幾粒裏青霰鐵骨一條眠斷雲眾奇之然自後對文士不交一言有惡少年欲窘之引至流水處斷其板橋逼之賦惡俗題立成十餘章一日別山中人曰明日我將去矣眾意仍回天台至期端坐作偈曰電光三癸丑住

世無可住青山萬壑雲是我來時路遂化時雍正癸丑冬十

月計其年係明神宗時人

沈德潛無名和尚傳略

○岑霽字樾亭長洲人少歲祝髮聖感寺將母柏堂盡子道喜

讀儒書敦友生誼蓋隱於禪者也詩品清徹無塵遠近名流

爭欲識其面中歲渡河踰燕京出龍泉關登五臺而返著有

柏堂詩鈔沒後沈宗伯德潛刪存二卷并為之傳

○超源字蓮峰錢塘人戒行精嚴通內外典雍正庚戌見知於

世宗憲皇帝召入都

賜紫衣

敕主吳中怡賢禪寺詩宗王孟舉宗門元妙融化出之著有未

節集法嗣明印校刊印字九方一字雪幢常熟人住接待寺

繼席怡賢方丈亦工詩

○明福字廣嚴江都鄧氏子幼業儒書年十六以病祝髮於揚

之法雲寺受具於華山敏元學教於天台人能嗣法於龍池

無上年三十在法雲方丈升座講法應機契理性孤峻不諧

於俗命同學廣慧主法席自寓蘇之元妙觀賣卜度生遇參

學人單提向上觀體扶持舉人薛起鳳其甥也嘗謂之曰汝

為儒者身須具大人相真儒見性即是菩提毫釐有差學佛

也不是學儒也不是一日問祖師西來意遂震聲喝曰汝以

生滅心求法那有了期起鳳為之通身汗下乾隆丙戌冬示

疾日誦佛號而逝塔於虎邱之東阡

○德峻字廣聞一字蒼巖郡人出家於城中妙隱庵徧參諸方承曹洞宗住杭州回龍真寂寺歸而閉關盤溪小靈隱精修淨定中兩度見佛出關遂造丈六彌陀像刻淨土或問乾隆二十八年九月七日召諸學徒環稱佛名詣殿焚香沐浴端坐而長逝

案前志又有寶源青浦人卒於北京僅一至吳江羅漢寺故不載

○成註字杲徹姓郭銅山人少出家年二十徧參諸山嗣法於天童石吼徹公已而專修淨業乾隆十二年住郡之獅林寺會

高宗純皇帝南巡幸其寺

敕名畫禪

賜以新刊大悲經一日方持佛名木魚墮地忽有省自是信口說偈若夙習然嘗示眾云業識消磨盡往生即此心華開親見佛萬象盡回春三十四年四月示疾而逝年七十三

○默可字杲堂又字牧石洞庭東山人俗姓翁性至孝年十六出家於竺峰庵後行腳得戒於福州鼓山徧照得法於廣州海幢朗如乾隆辛丑謁五臺山越一年歸以親老不復遠遊長洲彭進士紹升延主海會閉關二十年如一日其禮佛處足迹成窪海會頽敗營構完固又以隙地作放生池時父母已沒而邱墓之悲往往見之歌詠著有牧石居詩二卷嘉慶

十三年七月丁亥示寂即塔於池上長洲顧承為之傳

○達純字粹修號悉檀桐鄉人七歲依秀水津梁寺學樵鬻染既長聽開講楞嚴潛心參究住持海覺寺一十六載長洲彭進士紹升延主流水禪居九年移席文星閣旋以目疾退居殊勝庵專修淨土偶爾拈詩皆宣揚佛旨無文字障也嘉慶丁卯郡人李德明等興復南禪寺延純整飾百廢具興甲戌二月示疾而逝以上前志

○佛宗字西疇常州陳氏子九歲出家及長受戒靈巖山寺洞明和尚法嗣僧巨木見而異之曰此慧僧也付以鉢後好參訪北至五臺南抵天台雁蕩時雲巖寺僧某以逋負去郡紳

○僧鶴順蘇家尖蓮花庵住持也庵在昭文縣境咸豐十年城陷東北鄉團勇未散鶴順號於眾曰賊勢猖獗戰亦死不戰亦死等死耳其死賊乎奮臂一呼應者二百餘人遂率以攻城賊出戰不利閉門不出者十餘日八月二十三日賊四出焚掠鶴順憤怒誓必死悉出庵中蓄積散給鄰近窮民自率勇目蘇朝棟舒關金吳三五周昌等拒戰賊少卻鶴順連殺數人賊退走追殺數十里賊目黃文金潛設陷阱於薛家橋下復來戰鄉民奮勇前進賊由珍門涇鈔截後路軍衝為兩鶴順急揮眾退賊四面圍之顧謂朝棟等曰今日當死得乾淨耳遂舞刀死戰賊引至橋下陷於阱中支解而死昭忠錄

蘇州府志卷一百三十五
 釋道一
 道
 周
 赤鬚子
 漢
 魏伯陽
 後漢
 李崇
 蔡經
 淳于斟
 負局先生

蘇州府志卷一百三十五

釋道一

道

周

赤鬚子

漢

魏伯陽

後漢

李崇

蔡經

淳于斟

負局先生

金善信

步宗浩

鄭守仁

明

周元真

薛朝陽

李德睿

黃道淵

席應真

胡道安

林復真

楊茂林

藥葫蘆道人

張皮雀

吳允中

曹太初

尹蓬頭

裴慶

金竹

劉黑黑

徐石林

蘇蓬頭

國朝

周世德

呂喆

李樸

支道人

周拱璐

施道淵

黃袞

李湛然

蔣真昕

張禮恭

袁守中

蒲團道人

朱太愷

李宣仁

李宣公

蘇州府人

蘇州府人

蘇州府人

蘇州府人

蘇州府人

蘇州府人

蘇州府人

蘇州府人

蘇州府人

蘇州府志卷第一百三十五

釋道二

道

周

赤鬚子鄴人秦穆公時主魚吏每言災異悉驗後往吳中不知

所之抱樸子云以其鬚髮皆赤故名

康熙志

漢

魏伯陽吳人好學不仕入山鍊丹相傳以為得仙作參同契五

行相類等書

江南通志

後漢

李崇郡人少好道林屋山人王瑋立授之以流珠丹法日子行此道亦可以出身仕宦無妨僂舉崇遂仕稍至宛陵合虎狼避去蝗不入境累遷汝南太守拔書佐袁安安後位至司徒時人服其識鑿身享重官妻自紡織明帝奇之加秩中二千石在郡十四年政化為天下最年七十四瑋立授以隱解法去入大霍山又授遁化泥丸紫戶術以度世今在華陽洞中為左理中監準太府長史云瑋立楚莊王時人也

淳于斟字叔顯會稽上虞人漢桓帝時作徐州縣令靈帝時大將軍辟掾少好道明術數服食胡麻黃精餌後入吳烏目山中隱居遇仙人慧車子授以虹景丹經修行得道今為定錄

府典柄執法郎以上真誥

蔡經後漢人居胥門中散大夫王遠方平既得道欲東入括蒼山過吳住經家以其骨相當仙語以要言經遂尸解去十餘年忽還家容色少壯語家人曰七月七日王君當來可多作飲食以供從客至日王君果來舉舍皆見引見經父母兄弟因遣人召麻姑頃之麻姑至乃好女子年可十八九坐定各進行廚皆金盤玉杯擘麟脯而食之麻姑云接待以來已見東海三為桑田向到蓬萊水又淺於往日豈將復為陵陸乎遠笑曰聖人皆言海中行復揚塵也麻姑欲見蔡經母及婦等時經弟婦新產數日姑見知之曰噫且止勿前即以少許

米擲之以祛其穢視其米皆成丹砂麻姑手爪似鳥經心中念曰背大癢時得此爪以爬背當佳也遠已知之使人牽經鞭之但見鞭着經背亦莫見有人持鞭者經比舍有姓陳者聞經家有神人乃詣門求見遠曰君心不正未可教以仙道當以一符傳君可以禳災治病陳後以符治病有效壽百有十歲而死其後數十年經復還家今吳縣有蔡仙鄉云神仙傳參

姑蘇志

負局先生者負磨鏡局循吳市中得一錢便輒問主人得無有疾苦否若有輒出紫丸藥以與之服者即愈列仙傳

吳

道士琅邪于吉往來吳會立精舍燒香讀道書制作符水以治病吳會多事之孫策嘗於郡城門樓上集會諸將賓客吉乃盛服杖小函漆畫之名為仙人鐔趨度門下諸將賓客二分之二下樓迎拜之掌賓者禁呵不能止吳志孫策傳注引江表傳

晉

沈羲吳郡人學道消災治病未嘗餌藥物也與妻賈共載路逢白鹿青龍白虎車各一乘從騎滿道問羲曰君是沈羲否羲愕曰是矣騎人曰羲有功於民心不忘道少小以來履行無過今年壽將盡黃老遣仙官下迎侍郎薄延之乘鹿車者是度世君司馬生乘青龍車者是迎使者徐福乘白虎車者是

卽有三仙人羽衣持節以白玉簡青玉冊丹玉字授義義不能識遂載義義昇天時道間鋤田者皆共見之忽大霧不解失所在惟見義所乘車牛入田食苗或以告義家子弟恐義爲邪鬼所魅布人於百里之內徧索不得後四百餘年忽還鄉里推求得數世孫懷喜懷喜曰聞先人說家有仙今其歸耶留數十日具言初昇天時不得見帝但見老君東向坐宮殿鬱鬱如雲氣侍者數百人多女子庭中有珠玉樹眾芝叢生龍虎成羣遊戲其間聞琅琅如銅鐵聲不知何等四壁熠熠有符書著之老君身形略一丈被髮文衣體有光耀須臾數玉女持金盤玉杯來賜義曰此是神丹飲者不死夫婦各

一杯壽萬歲又賜棗二枚大如雞子脯五寸遺義曰暫還人間治民疾苦苦欲上來書此符著竿杪吾當迎汝乃以一符及仙方一首賜義義奄忽如寐已在地上世多得其符驗云

神仙傳

楊羲者吳人好學沈厚與許先生遁許長史謚結神明之交嘗爲公府舍人興寧三年羲年三十六眾眞降焉自東岳上眞司命君等二十三人又自太和靈嬪上眞左夫人等女眞十五人每旬輒數人同降高談道微幽指藥妙楊及二許史受其詞捉筆爲書是歲六月十五日夜紫微王夫人與一神女俱來紫微謂羲曰此太虛上眞元君金臺李夫人之少女紫

清上宮九華真妃者也賜姓安成名鬱嬪字虛簫真妃又謂
羲曰我昔學真於龜臺受玉章虎錄爲上真妃遊行玉清非
不能訪搜紫童友於帝即也直推幾任會應度歷數欲求氏
族於明君非有邪也君夷質虛閑幽貞內煥必簡帝躬高佐
四輔理生斷死互察陰陽妾當助君綜御萬神尊制東蕃君
將乘龍駕雲白日昇天此自元德上挺太極所旌不復用勤
學劬勞也今人居風塵間乃多罪之下鬼趣死之朽質君奚
必汲汲於人間之貴賤投身榮辱之肆哉且方交兵日會二
災向臻褰衣遠逸是其時也自後數日卽眾真一降所授詩
章道要羲及一許所筆受者甚多華陽陶宏景論次爲壽號

曰真誥

真誥

南北朝

陸修靜字元德郡人早通墳籍長慕神仙棲廬山白雲寺與慧
遠法師結白蓮社宋文帝表高其風作停霞寶贊使徐湛宣
旨留之不可太始三年作崇虛館通仙堂強招之使講道焉
元徽五年偃月而化春秋七十二後三日廬山諸徒見霓旌
紛然還山須臾而失未幾訃至初修靜赴召常衣一布囊及
逝遺命囊骸投所在巖壑徒眾不忍奉之山中未至忽布囊
掛巖樹謚簡寂先生詔以所居爲簡寂觀

姑蘇志

徐靈期吳人隱衡嶽上清宮遇神人授元丹之要含日暉之法

守泥丸之道周遊海嶽採訪山洞巖壑作衡嶽記叙其靈異
言紫蓋雲密二峰皆五千餘丈雲密有禹治水碑皆蝌蚪字
碑下有石壇流水縈之最爲勝地紫蓋有鶴集其頂神芝靈
草生焉有石室室有香爐杵臼丹竈祝融峰上有碧玉壇方
五尺東有紫梨高三百尺乃夏禹所植實大如斗赤如日食
之長生蒼梧王元徽元年九月九日沖真至宋徽宗朝賜號
明真洞微真人

姑蘇志

張繹字士和郡人學道講經理致深密詞端華辨當時所宗梁
武帝雅相欽賞時陶宏景著法檢論明釋老二教繹復討論
甚有條理宏景嘉焉專心道法居貧守約善八體書別製雲
篆作茅山南洞碑甚工

姑蘇志

唐

周隱遙洞庭山道士自云角里先生之後山上有其祖角里村
言其數世得道隱遙學太陰鍊形死於崖窟中屬弟子曰檢
視我尸勿令他物所犯六年後再生當以衣裳衣我弟子視
之初則臭穢蟲壤惟五臟不變依言閉護之至期往看身已
全起坐弟子備湯沐以新衣衣之髮鬢而黑髭鬣而直若獸
鬣焉十六年又死如前更七年復生如此三度已四十餘年
近八十歲狀貌如三十許人隋煬帝徵至東都尋懇還本郡
唐貞觀中召至長安館於內殿問修習之道對曰臣所修者

匹夫之事功不及物帝王一言之利萬國蒙福得道之效速

於人臣區區所學非萬乘之所修也懇求還山尋遂其所適

乾隆志引仙傳拾遺 按乾隆志又云元和中合狐楚作周先生任山記云先生名隱遙字息元號大元先生汝南人也貞元初遊包山林屋洞於洞西得神景觀數里得毛公壇遺址至十九年冬翦茅奠居其年月事迹俱與拾遺不同

周生太和中廬於洞庭山以道術濟人吳楚人多敬之遂次廣

陵舍佛寺中會有三四客偕來時方中秋夕霽月澄且吟且

望有說開元時明皇遊月宮故事因相與歎曰吾輩塵人固

不得至其所矣周生笑曰某嘗學於師亦得焉且能挈月致

之懷袂因命虛一室翳四垣不使有纖隙又命以筋數百呼

僮繩而架之且告客曰我將梯此取月去聞呼可來觀乃閉

戶久之數客步中庭伺焉忽天地曠晦仰視又無纖雲俄聞

生呼曰某至矣因開其室生日月在某衣中請客觀焉舉其

衣出月寸許忽一室盡明寒逼肌骨客再拜謝欲收其光又

閉戶其外尚昏晦食頃方如初乾隆志引宣室志

柳條青者大中末乞食於蘇市嘗擊筑踏歌得錢輒飲好事者

覓其蹤終不可得歌詞中往往述長生方外事閱五六年因

大雪凍死於市市人具棺瘞於齊門之左每遇日出時冢上

有紫氣高五六尺近視之無所見也後一年有處士皇甫顏

者來訪之人有示以冢處皇甫持酒脯祭之發棺得青竹杖

無他物表其冢曰谷隱柳處士墓自是不復有紫氣矣姑蘇志

王可交崑山人居松江南趙屯村以耕釣自業常取大魚烹之
擣蒜韭以食一日棹舟擊楫行數里間歛見彩舫漾於中
流有道士七人皆年少玉冠霞帔服色各異侍從十餘人總
角雲鬢又四人黃衣襪船一人呼可交姓名不覺漁舟已近
舫側一道士令總角引可交上見七人前各有青玉盤酒器
果子皆瑩徹有光又有女妓十餘悉持樂器可交立筵末徧
拜七人共視可交一人曰好骨相合仙眉間已炙破矣一人
曰與之酒侍者瀉酒樽中酒再三瀉之不出一人又曰與栗
喫取二栗付侍者與可交栗青赤光如棗長二寸許嚙之有
皮肉脆而甘如飴久之食方盡一人曰王可交已見之矣可

令去令一黃衣送上岸覓所乘漁舟不見黃衣曰不必舟但
合眼自到於是合眼若風水林木浩浩之聲令開眼已失黃
衣所在但見峰巒重疊松柏參天坐草中石上望見有門樓
人出入俄頃採樵者并僧十餘人到問可交何人具以前事
對又問何日離家曰今日早離家又問今日何日對以三月
三日樵與僧大驚曰今日是九月九日此是天台瀑布寺前
也僧邀可交設食可交不喜聞食氣惟飲水耳寺僧以狀白
唐興縣以達台州州以聞越州廉使王溥召見之可交身長
七尺餘儀貌殊異言語清爽溥歎曰此真仙人又以其同姓
益敬之飾以道服而遣人至蘇州詰其家具言三月三日可

交乘漁舟入江不歸家人尋得漁舟謂墮江死漉之無迹已
招魂葬訖颯具以表聞可交自食粟後卽絕穀舉止若有神
助不復耕釣挈妻子往四明山二十餘年復出明州賣藥酤
酒得錢卽以施人時皆稱王仙人藥酒道俗多圖其形像後
三十餘年卻入四明山今人時有見之者續神
仙傳

宋

陳昉吳江人慶厯間爲縣吏掌刑名以廉謹惠愛稱無妻子惟
蓄一婢性嗜魚每食必以二魚爲餉一日餉至而昉適他出
同舍吏戲竊其一置舍席上昉歸以爲婢所匿也怒責之時
向暑舍席生蛆墜几上昉視之乃魚腐也始悟婢冤歎曰此

小事尙然況吾爲吏決大事能無冤耶遂辭役作詩別親友
從縣前運河洞中而去洞甚深相傳通太湖之底上聞浪聲
行七十里可出洞庭山後數年有道人沽飲肆中將別留一
壺爲贈曰以此償酒價貯酒當佳旣去忽見酒旗上題云昔
年陳昉登仙處酒味松陵第一家主人驚異取壺貯酒則香
美異常自是沽者羣集家遂致富始知昉已仙矣因名其洞
曰仙人洞洞上有橋曰仙里橋松陵
文獻
道人張無夢在眞宗朝以處士見除校書郎無夢善攝生梅昌

言知蘇州無夢求見之先與詩云壺中一粒長生藥待與蘇

州太守分

劉攽中
山詩話

陳希微字彥真吳人先名伯雄元祐中得疾因往茅山劉靜一求符水治之一日下山求米於近村中途覺眩冒不能前據石大嘔自此疾愈遂棄家爲道士改名希微築室柳汧泉上徽宗聞其名屢詔不起乃以所居爲抱元觀而錫以洞微法師之號宣和中無疾而終乾隆志引句曲山記申元道泰陵人師事徐神翁得修鍊之道將南遊請於翁翁曰逢虞卽止遇雪則開過江居福山建潛真觀寓梅李建頤真館後來虞山問山名曰虞乃築室爲招真治插竹以居遂成林因曰竹林庵山峭無水艱於取汲一日大雪獨庵前一簣不積遂掘地得美泉名曰雪井後不知所終人以爲仙去常熱

志

袁宗善平江道士曾遇異人得驗狀法遭際三殿賜號通真先生壽皇一日使中貴持白紙三幅默禱在內令通真書來中貴先排定資次第一紙書不可行第二紙書無分第三紙書眞眞二字奏呈壽皇隔數月皆驗不可行要請陵寢北報不從無分乃小劉娘子要爲后半年而殂眞眞二字乃授禪光宗後光宗有心疾壽皇宣通眞叩問二字奏云臣書先定二眞合成一字卽顛字壽皇大喜賜資甚厚貴耳集

何中立本淮陽朐山書生也世爲鼎族遭亂南來寓於郡嘗受業於父已能文一旦焚書裂衣遁去旣歸荷蓑結廬於天慶

觀之龍王堂伴狂妄談久而皆驗卧草中不垢不穢晨起必一至吳江洩焉郡至吳江四十五里往返不數刻人固訝之會有一療者拜謁乞醫何命持一蓑草去旬而愈始翁然傳蓑草可愈病亦有求而不得隨輒不起者有姓左人以草煎湯療病訖復緘於盒一日開視忽生粉紅花兩朵於是遠近敬異孝宗在位忽夢有蓑而跣哭而來弔問之曰臣蘇人也詰其故則不肯言寤乃語左璫時上意頗崇緇抑黃弗深信也居月餘成恭后上僊莊文繼卽世璫因進勉釋而及之意欲以驗前定寬上心上矍然憶昨夢輟泣而歎璫進曰臣微聞蘇有何姓者類其人因道其所爲上大驚有詔諭遣不至

上嘗燕居深念以規恢大計累年未有所屬且坤儀虛位圖所以膺佐餒承顏之重者焚香殿中默言曰何誠能仙必知朕意遂授璫以香茗曰汝見何惟致贊問所以來則曰陛下自禱我不及知璫承命惟謹何忽掉首吳音曰有中國人卽有蕃人有日節有月不須問趣之去旣復呼還曰所問者姓我猶忘之但言朱家例子不可用也使者歸奏上曰誠知我心遂賜號通神先生築庵於觀之內親御寶跗書扁以寵之旣而成肅正中宮歸謝氏蓋故事惟欽成本姓崔後育任氏朱氏旣而惟從朱姓不復歸上意欲以爲比而未決北伐之謀亦少息焉先是觀中諸黃冠以殿宇摧燬欲試其驗羣造

其廬拜且白之何從求疏軸主者漫以與何笑曰來日自有施者至午而使者果來既答則曰我不能入覲以此累使者上聞而益奇之會浙西趙憲伯驥亦爲之請遂賜筆金闕寥陽殿額出內帑緡錢數萬繪事一新以荅其意上每歲以璫將命卽其居設千道齋合雲水之士施與優普一歲偶踰期感訝而請亟起於卧搖手瞬目而招之曰亟來亟來璫是日舟至平望乃見何在岸泚招而呼踵廬言之眾曰何果未嘗出也都道錄劉能貞自京口舟還次無錫默禱云先生果有靈感當出相見泊至泚墅何從南來劉登岸揖何云小道不易出山果十枚贈別及平江則何未嘗出也何能耐寒暑勇

於啗肉食至十數斤獨不飲酒先有衣襲寄於郭氏曰吾死則以此斂慶元三年五月二十二日忽命取之明日坐而逝太皇太后先兩夜夢其求衣亟命特賜以二十四日至遂易之以瘞焉

杜史參
姑蘇志

猷道僧平江兵家子也年十四五爲繼母所虐遣出貨糖一日與羣兒戲井邊覆糖於井懼而泣適賣藥道人見而憐之令負笈以隨因飢啖以一棗遂飽索歸再三道人怒批頰使去自此如痴如狂左頰突起肉塊自云中有金蝦蟆初許人揣後張口示人頰肉膜中一紫色小蟄宛然首足皆見能預談人禍福發其隱識者以爲神高宗召見賜名應夢達道先生

狀髡而鬚似道似僧與何蓑衣頡頏好蕩遊市井見人必求錢得之隨與貧者何既不趨召他日璫或薦道僧上欲見之何挽呼不使去曰是將提汝縛汝監汝不欲汝來矣道僧竟去見於內殿不拜所言不倫上狎之使出入勿禁且命寵人元居實館之元懼其逃使十人從之所至不舍踰年歸見何何以杖詬逐之至死訖不與接一談重華倦勤復使召之不肯就邀致萬端三年而赴之紹熙甲寅春道僧入北內坐榻前日今日六月也好大雪侍璫咸笑願曰爾身皆雪而笑我狂也眾莫以爲意至季夏八日而至尊厭代矣

王大猷者本胸山人乾道間仕爲忠翊省幹來居吳中街路忽夢神欲授以養生之道自是虔志事神月朔朝禮飯道設齋至淳熙中以四月十四日爲呂純陽誕辰齋百道士齋散有道士至鰲面跣足弊褐片中徧體瘡痍而略無氣穢屢言來後時幸毋卻人咸怠容獨大猷加禮待道人謂曰吾能治內亦善治外大猷問高隱何地道人曰得隱便隱初無定隱問其姓名俛而不答徐曰省幹當兼善天下豈宜獨善其身大猷答以天下人安吾道始安道人笑曰此子可教遽別去明年忽再至稽首跌坐大猷叩之不語頃之曰昔省幹有天下安之言然而其說有二有富貴而安者有藥石而安者君意何如大猷曰吾志不在富貴道人曰予有異方藏之肺腑久

矣浪遊江湖未有可託今觀汝有道風不容自秘令屏左右
治潔室密授其方戒曰藥就即可施之所治者一切風疾若
不宦遊量立價以售非特養生兼以濟物執此心不遷他日
姓名可達上帝而子孫寶之亦有利焉若圖轉授非神明所
許語既有孤鶴自天而降道人撫之笑別大猷逕乘飛去異
香滿室復有羣鶴環繞大猷與歎咸驚絕知其為仙遂制其
藥博施於人迄今其家尚不遷藥亦不絕所謂王省幹宅遇
仙丹也郭麟孫干文傳俞焯諸公咸有題志

周文英字紫華郡人也讀書好道有幸道者過之見其讀參同
契道者曰子有夙契可與語至暮留宿夜甚寒將熾炭道者

止之視其所衣一木綿裘其氣充然時方雪積道者所止有
光赫然出屋上雪獨不聚鄰人以爲火操水具至則知非火
周尤異之達旦留詩以別問其所止曰楓橋問其姓曰幸次
日周冒雪至楓橋果有大船泊橋左幸方倚篷而笑曰吾知
子必來遂留款具膳且出一小鼎貯水銀燒之頃之成銀命
舟子入市即可易物再貯如前加以黑末半匕及成則黃金
也盡日而別且曰戊亥歲當成子志周自此若有所得每靜
處覺有氣隱隱中起稍引之則煦然周身歲甲戌一日以幸
所書展玩一過曰茲惟時矣遂斂衽端坐而逝若委蛻焉
申徒有涯方外士也嘗攜一白藪瓶遊吳中大風雪中脫衣賃

舟沽酒飲畢大吐榜舟者逐之有涯挈瓶登岸倚樹高吟曰
仲尼非不賢爲世所不容嗤嗤罔舟子不識人中龍溪雪戴
落梅寒聲激長松狂來但清嘯一壺隱塵蹤吟訖跳身入瓶
榜舟者大駭舉瓶碎之無見也他日同舟者見有涯箕踞於
虎邱劔池之側知其異大欲逼問之倏爾不見

梁亮家於崑山駟馬橋下業漁嘗見一白鼠入穴得書一卷讀
之有悟車塘張氏世稱爲神亮往候焉適張出因擲一索於
其家人人見蛇入卧內奔告張張知其亮也追而飲之亮使
視蛇乃索也提刑吳潛舟次江方飲亮攜籃步水上入潛舟
潛怪問之亮曰欲假公筭中白金酒罌耳潛見其裸且籃小

意不能藏遂出與亮卽納罌於籃而去翌旦於駟馬橋上碎
而分諸貧者潛以爲妖急追逮至官謂亮曰能去此否亮因
注水於盆翦紙爲魚遊躍水中復翦一鳥飛達庭下攫其魚
而上眾皆仰視遂失亮所在

鄧道樞字應叔綿州人以齋科精嚴際遇理度兩朝一日謝后
遣巨璫召至內後門泣降德音且令其責軍令狀使無泄乃
言昨夜夢濟王大怒以爲吾且將兵由獨松關滅汝社稷以
此令道樞於高峰頂爲膽心章哀告上帝已而獨松果黃頭
先鋒斬關而入初道樞端平中隨魏了翁出蜀居吳趙與篋
俾住持文昌宮宋亡得上官氏廢園於城東棲息所名會道

觀家鉉翁爲記一時名輩皆與遊工詩善琴有東遊集

古無極不知何許人居葑門道堂蚊蠅不敢入暑中開戶而眠不用帷帳猫犬至卽俯首疾回無敢窺其內經年不見揮拂一塵不生未嘗出募於外而錢不乏疑其挾術逼問之笑而不言一夕撤去器物竟不知何往明日物色之葑婁盤閫四門人皆云是夕見其負籠荷杖出門去矣以上姑蘇志

應智錫字子信仙居人咸淳間來吳愛虞山之勝建致和院以居精於道法尤善辭章人敬慕之常熟志案前志沿乾隆志此下尙有楞伽貧女今

收入列女傳

元

莫起炎號月鼎茗溪人生宋寶慶間少業舉子不利慕元學至青城山見無極徐直卿授以雷術又聞建昌鄒鐵壁得王侍宸斬勘法委身童隸事之鄒疾危遣去曰吾將逝矣雷書之全不能畀汝已而書張使者一符授之再見潯陽楊真卿精於持練動與神合時憤世嫉邪託狂直於酒信筆塗墨出詭祕語人莫能曉寶祐秋越守馬光祖致之禱雨雨應聲至理宗賜德書詩贊至元中崔彧奉詔江南起觀京師祈禱有異驗命典道教事力辭歸止於光邊巷學者填門嘗書鐵壁言於門曰百事動雷霆龍神拱手聽不洩亦不祕淵默有天聲癸巳冬謂其徒曰明年正月某日吾逝矣至期書偈問斂具

眾謂具矣復搖首曰待吾五事備須臾天忽昧風雲雷雨電

交作候霽斂焉宋濂為碑文楊維禎為傳弟子得其傳者吳

下張雷所前志作師王繼華金靜隱馬心吾江東許無心陳

靜佳雷所再傳步宗浩宗浩傳周元初姑蘇志

張善淵字深父號癸復道人吳之華山人伯父崇一得易真人

如剛靈寶飛步法稱張雷所宋尚書包恢薦於朝命主郡之

天慶觀善淵從之學輒能捕逐鬼物呼致雷雨郡守潛說友

舉住建德永隆宮再住平江光孝觀世所謂道法藥術凡四

方有一術一法之異必究極其妙莫月鼎侯清谷時為道門

所宗咸異重之而樂授所祕元至元間世祖詔天下舉山林

有道之士嗣天師以善淵薦乃與弟子步進德入朝命召鶴

鶴如期蔽天而下他有禱輒應命為平江道錄住持天慶觀

又改紹興昭瑞宮鎮江道錄吳有水旱必求拯於善淵皆出

而應未嘗失期壽九十二而逝虛志案前志尚有周隆孫

割隸太倉境當刪

金善信字實之長洲儒家子少好老氏學父母為納婦有子矣

時張雷所能以符篆捕逐鬼物因事之及聞莫洞一者呼雷

役雲褻狎如兒戲又往尊事之盡得其祕遂與其徒研覈妙

旨其言以為心神至虛無所汨沒諸陰銷盡諸陽自集蓋有

形者陰無形者陽陽益勝陰氣益調精我得清淨去道無難

蘇州府志 卷一百三十五
矣以薦爲廣德路道錄仍昇師號乾隆志

步宗浩字進德號雲岡早習儒書中歲始慕道從張雷所元妙

觀中受回風混合大洞真註上清靈寶三五飛步之祕碧潭

斬勘之書祈禱兩賜呼召鸞鶴咸在掌握驅邪救患甚多靈

迹延祐間制授貞元微妙宏教法師姑蘇志

鄭守仁天台人著道士服長遊京師寓蓬萊坊之崇真宮不事

干謁齋居萬松間一夕大雪填門僵卧讀書自若號獨冷先

生至正間來主白鶴觀吳中人物志

明

周元真字元初嘉興人年十一入紫虛觀從李太無爲道士太

無杜道堅弟子也至正戊子來居葑門外報恩道院能以符

篆召鶴名所居曰來鶴軒自號鶴林先生雖身寓方外事母

至孝其學受靈寶經法於曹谷神又因顧養浩受五雷祕文

於步宗浩洪武戊申京師大旱太師李善長迎元真致雨有

應庚戌上欲問鬼神情狀嗣天師元真同被召錫宴光祿又

明年上召問雷霆所以神之故對曰天地之間陰陽運轉故

有神神與人合者也雷非人無以知雷之天人非雷無以知

人之天天人相孚同一理爾上悅壬子三月不雨右丞相汪

廣洋命元真致禱其應如初乙卯又旱元真禱亦應冬無雪

復命元真祈之己未授領神樂觀事元真平日亦好興建利

物嘗造安里橋重構報恩道院修致道觀丹井卒葬於莫月

鼎墓次姑蘇志

薛朝陽字鳴鳳號洞元冲靖廣道大真人先居龍虎山上清宮

有齋糧田莊在崑山澱湖因造觀堂遊息於此一日召仙得

薩真人降筆云玉堂侍御久思凡謫向人間九十三此去更

能修大德青氈依舊列仙班洪武二年寓報恩宮時年九十

三矣沐浴整衣端坐題筆云翛然夢覺本非仙百歲何妨欠

七年昨夜崑崙孤頂上一聲霹靂舊青天擲筆而逝

李德睿字士明崑山人幼穎悟有出塵之想父母以其不宜於

俗捐愛出家於郡之靈真觀習元學凡三皇內文九鼎丹法

延齡衛生之術罔不該博從莊子正遊黃帝岐伯之書先賢

治證之論悉造其奧又遇樵人李清隱教以竇太師飛騰鉞

法由是以醫名洪武初召入見辭歸常攜瓢賣藥市中瓢小

而類鶴因號鶴瓢道士王行鶴瓢山房記云吳城東北有老

氏之居曰靈真主者李君名睿字士

明清慎好學有黃老師者自蜀之青城山來道氣崑崙一

盡傾君遇之殊謹居數月告去君以為學之要叩之黃歎曰

子誠志於道耶因出瓢曰是從我幾百年行地餘萬里今

以遺汝勉之君敬愛焉瓢形類鶴遂以鶴名之并題其室曰

鶴瓢山房張羽為傳王行高啟輩皆為賦詠以上崑山志

黃道淵號孤山錢塘人嘗遇蜀人衛淡邱授以修真要法及醫藥方伎南遊武夷師事金華潘雷鑑挾其術北上後歸憇吳下郡人嚴德昭抱疾醫不能療建壇以祀元帝名曰清真朝

夕懇禱道淵適至憐其精誠投以藥遂愈於是道淵留主壇

宇嗣天師為奏賜觀額今其徒猶傳其藥姑蘇志

席應真字心齋號子陽子常熟人少辭家學老氏法經錄丹法

靡不洞究兼涉儒籍尤邃於易釋典方術咸能旁通奉其母

甚至葬祭痛哭如初喪或謂親愛既割何得狗禮若是過歟

應真曰吾法當割愛入道然世間豈有不孝之神仙也哉始

提點常熟致道觀遷郡之白鶴觀及相城靈應宮與釋道衍

為忘形交衍師事之或云衍兵法半是應真所傳也洪武十

四年三月卒年八十一姑蘇志參列朝詩集

胡道安字安谷吳江人為元妙觀道士晚遇至人授青城太乙

雷書及斬劫魃魔祕旨洪武末吳中秋旱郡守延道安致禱

道安登壇醉酒詬罵怒髮衝冠令下陰雲四合雷雨大作性

佯狂人呼胡風子姑蘇志

林復真字剛伯號梅雪訓導大同之子授常熟縣道會博學能

文辭寄迹老子法中用以禪身養親永樂初舉住龍虎山校

正道書嗣天師張宇初重其學深加禮敬又預纂修永樂大

典勸善書又召修道藏經洪熙改元以老辭歸常熟志

楊茂林字湛然有道行不用符檄書片紙能役神鬼永樂五年

文皇后崩大集黃冠修醮事資冥福茂林以白衣見上異之

命以官不受賜法衣俾遊四方會吳江大旱署縣事王懋本

延之禱雨雨隨澍因留之崇真道院構方丈以居在院屢著靈異一日忽脫裘履而逝蓋百餘歲云後有自洞庭還者遇

茂林授以二履合攜歸人始知其仙去

松陵文獻

藥葫蘆道人不知何許人賣藥吳市人有求則就葫蘆中傾出

飲之病無弗愈者或傾而不出則曰爾無緣不可救也永樂

甲辰上在漠北不豫侍醫咸自危御醫盛寅奏言臣蘇州有

藥葫蘆可治也上命寅乘傳南下取之未至而有榆木川之

變道人後亦莫知所之

乾隆志引陸延枝記

張皮雀者名道修長洲人也少有異相年十七父母欲為議婚

不從往禮胡風子為師盡得其術宣德癸丑二吳亢旱郡守

况鍾延張張須道流昇往况曰竢有雨當昇還張曰諾旦日

結壇義役倉至則索酒數十瓶飲盡軒睡天無纖翳眾譁欲

散張欠伸索鏡以墨塗之而虛其中天亦黑雲四布惟天中

露日張曰是無難俾道官塗之守懇請張握筆一塗雲亦忽

合電掣霆飛雨如建瓴踰時守焚香告足張拭鏡雨止守遣

道流昇張還贈以厚幣不受戴氏子疾昏譫語張入門取棒

就牀擊之一病遂瘥道修風格奇朗頂雙鬢披青布袍人謂

其捕鬼隨行鬼作聲類俗所溺兒戲皮雀者因呼為皮雀正

統庚申年六十一無疾而死死後或見之於長橋疑尸解云

乾隆志引王志堅府志稿

吳允中成化中吳郡朝真宮道士善符咒嘗驅蝗治妖隨禱輒
 應郡守命於圓妙觀禱雨允中噴墨瀋則雲合以楊柳灑水
 則雨至以胡桃擲空中雷電隨所向而作頃間積水三尺時
 官吏皆立雨中允中大呼雷神有濫賊者請擊之雷火繞庭
 官吏有失措仆地者吳中往哲記
 曹太初不知何許人常寓止諸觀中侈口蹙頰深目狀胡人髭
 髯苴布而嗜醪酒日就市M嚼贖肉啣漉不輟口而時時瞋
 目語有所召呼或若有所對接者人或謂顛適旱祈者開陽
 閉陰攘礫百方不應乃笑謂之曰待我求眾因謁焉與期旦
 當來迨明雨遂大澍連日夜不止人往窺之則方大斡及醒

而笑曰雨足乎由是祈者遂眾其告人之言多託之筮拯危
 殆解紛亂急人之急或有物崇則至其所默坐叱詈之若有
 所考核者既獲利賴愈益嚮之乃語弟子曰吾不敢私其力
 為人者然以此幾落吾事吾奉召命不可俟矣吾少讀內景
 經有悟遇仙師授以至真要道爾輩精一其心齋潔奉戒為
 之不懈上真簡爾當有簡命不然無益也遂逝

尹蓬頭者莫知所自來負杖而遊翩然有塵外姿其毛髮槁而
 容若處子舉止甚輕壯者不逮人見之無不慕焉爭向請終
 無所言或飲食之亦多不顧或為少嚼之則深自喜其去來
 不恆不知其所休舍每行途中人輒隨之問其年云紹興至

是蓋三百十有餘歲矣知府林世遠聞而召之問其師授但云吾宋人也無所學偶遊行於此無預人已竟去人又有見

之天台山中者以上劉鳳吳賢傳

裴慶者吳市人業彈絮忽有所遇一旦遣其妻去舉筐筥悉委之衢浮遊無定所性落魄嗜酒每卧人戶外日無醒時市兒侮之不為意居大石頭巷用缸一承一覆恆處其間每日午時至盤門外吳門橋中看東逝水無間陰霽時或唱攀桂步蟾宮詞末二句即已人餽清齋精粲不食也惟汚宿者則御焉偶至人家飲酒值老嫗病即扯衣煎湯療之其卧處無雪大學士夏言過此候之慶堅不應夏遣人扶出慶呼殺人蓋

諷之也夏不悟後果不免嘉靖間張真人應朝輿至舟中稱

裴仙而拜之遂延住龍虎山無何化去吳縣志參王志堅傳

金竹字子虛常熟人為諸生有才名每凝神默坐呼之不應或

屬詞構思散步陌上不自知去之幾十里也一夕夢至山寺

桃花繞徑兩楹揭紅日半梁僧寺晚白雲千古洞門秋之句

嗣後與世益泊遂棄家遠遊不知所終或云曾見之大茅峰

於時年百有四歲矣或云邑人有解戍滇南者歸時借宿草

庵庵主即竹也其人告以則君遊庠竹曰何足道卧後見竹

張蓋手轉不停厥明促之起乃在京口以此駭異龔立本常熟志

劉黑黑本山東人萬曆壬寅由泰州渡江至常熟棲泊無定衣

冠極敝不爲整或時啖生魚狀若狂途人因目爲垢仙遇縣令導從箕踞不顧令怒笞而逐之遂入郡城危坐華陽香花二橋八年餘晝夜暴露無間寒暑或風雪連旬市人慮其必死迫視之則氣蒸汗流如故有織戶沙某媳投繯死沙求救對語如平時頃間厲聲曰汝媳活矣可歸視之蓋遊神用藥丸活之也華亭紳朱國盛中年無子令家人持信香祈嗣黑黑贈橘一枝上有二實朱悟曰仙人許我有子矣果連生二子後不火食者累月忽一日不知所往諸信奉者徧迹之見其坐泖灘上眾挽之黑黑折蘆掠水而去眾咸異之因建堂於齊婁兩門之間中供老子像而塑仙像於傍

康熙志

徐石林常熟人數歲出家蘇城伍子胥廟爲道士年二十至京師遊藍道行之門道行誅入龍虎山張真人府居二十餘年遇異人受鍊月孛法能預言人禍福休咎以萬曆甲申歸吳仍居子胥廟十八年吳中大旱郡守備禮往迎辭不見郡侯曰地坼苗枯三日不雨民立槁矣奈何坐視乎石林歎曰三吳福恐爲貧道禍乃結壇於玄妙觀用鼓數十架置壇四旁瓦百片置壇上郡侯行香畢石林上壇焚符三遍亦播鼓三通俄頃四邊雲起雷聲殷然石林大呼曰播鼓數十架鼓一時齊發石林就壇取片瓦擲空中每擲一五輒得一雷鼓聲與雷聲碎瓦聲爭奮自辰至酉而雨終不得是夜露立至天

明拜伏壇上須臾霹靂四起大雨如注從辰至申可三尺許
石林尙伏壇上不少動雨止方起舉步下壇失足墜遂死壇
下郡侯出俸金買棺斂之停其柩於玄妙觀合郡紳衿士庶
拜奠者三日

前志

蘇蓬頭吳江人爲洞真宮道士善吐納之術能卻寒暑嘗冬月
浴於水人稱蘇仙或問其坐功愕然曰怎易說得坐字卜舜
年嘗執弟子禮與蓬頭密語一昔歸大哭三日悔向者之爲
死人也舜年棄世時蓬頭方與客夜話曰孟碩去矣明晨客
之卜氏詢其時刻不爽也

盛湖志

國朝

○周世德字雲岫長洲維亭儒家子幼喪父禮鄧寄虛爲黃冠
年二十從龍虎山夏北衢學清微五雷祈禱祛邪治病諸法
精通道典時遇水旱祈禱無不感應又嘗應郡紳李模申紹
芳之請講道德清靜經於福濟三茅諸觀侍聽者動以千計
張真人洪任贈額曰可與宏教年六十二卒

康熙志

○呂慈字貞九其先自青浦徙蘇紫弱冠能文爲婁縣諸生鼎
革後學老氏教順治辛卯居清真觀禱雨遣崇施丹設醮靡
不驗已亥入妙高峰築樓三楹緘戶辟穀經年不粒未幾遊
終南復歸吳築室靈巖麓名曰桴庵謝客靜坐人莫能測甲
辰五月望乃日期已屆吾行矣手書一詩而逝

○李樸字天木別號紫中道人吳縣人居朝真觀靜修三十年得徐洞輝之傳又寄興揮染妙絕一時常往來東湖甫里間人爭築室以居康熙九年卒於郡城紫微庵學者私謚沖白先生

以上吳縣志

○支道人名乾陽順治乙酉後來崑莫知其所自嘗同人避暑葛家祠值大風起震蕩牀帷人不堪其涼道人酣睡自若又嘗假居僧舍時寒甚草木多凍死寺僧晨起趨視之見道人方露坐中庭氣蒸蒸如雲有一物狀如雞子光熊熊然周一身上下聞道人微咳聲則光已隱矣僧大驚異後不知所終

○周拱璐字彥介明兵部主事光祖曾孫父纒歿遺腹生拱璐

甫能言問父所在母告以故輒嗚咽長而遊庠食餼後丁母艱哀毀幾不起康熙乙丑選入成均後屏絕名場棲心玄門結壇於西乾道院曰安雅已從玄門借徑悟入宗門與袁列星切證悟後大事鍼芥投合卒年六十二

以上崑新兩縣志

○施道淵字亮生別號鐵竹道人生吳縣橫塘鄉童真出家爲朝真觀道士遇異人張信符授以丹訣年十九從龍虎山徐演真受五雷法能驅役百神時爲人除祟魅療疾苦不以取利初築室堯峰晨夕修鍊移住穹窿山卽茅君故宮鳩材修葺殿堂齋寮以次鼎新順治戊戌五十三代真人張洪任請於

朝賜額上真觀并

賜道淵號養元抱一宣教演化法師由是四方徵請凡建名勝一百七十餘所塑像八千七百二十有奇郡中玄妙觀殿宇傾圯太傅金之後延道淵主觀事修復三清雷尊諸殿建彌羅閣規模宏整所費鉅萬一錢不私晚遊閩越探真訪道尤多救濟康熙丙辰裕親王召主醮京師乞歸丁巳除夕謂眾

曰明年此夕不復與汝等聚矣戊午七月果化於山觀乾隆志

○黃袞字山補道號虛堂明五嶽山人省曾後幼警敏食餼於庠試輒高等性至孝執親喪哀毀骨立孺慕終老不衰晚而棲心寂靜丹經秘笈靡不研究時鐵竹道人施道淵闡教演

法四方崇信袞繼出先得內鍊訣於鶴嶺山人後從王崑陽律師受邱長春真人戒法持戒精進遂印證宗旨康熙癸亥員外郎黃懋權稅澣墅重修張氏文昌閣顏曰太微律院延袞居之遠方來受戒者甚眾澣墅關志引彭寧求石像記

○李湛然名神微號冷庵太倉人父靜養諸生母丁氏生七歲送清真觀及冠充玄妙觀書記後至龍虎山婁真人近垣授以法年四十隱於橫山北麓築澹香居奉母極孝兼以金鍼度人乾隆三十三年九月化去先一年賦詩留別諸道友屆期諸友畢集晷刻不爽焚香沐浴而化

○蔣真昕字偕乾粟齋其別字也先世居吳門為望族年九歲

投穹窿陳霄來座下爲徒授以道典經錄一覽輒解奧義乾隆戊午入龍虎山拜婁真人爲度師傳習五雷正訣七年入都住光明殿十二年還山三十一年繼主山中法席山上忽產靈芝赤色如火其大如蓋觀者咸以爲師之道高德重故地呈其瑞云范來宗有傳

○張禮恭號友桐吳人住清眞觀道行清高嘗從吳江陸廷瓚學八分書入鍾蔡之室廷瓚子中丞羅贈以詩云鴻都有遺矩谷口非前賢可知其書學矣同時有袁守中字月渚住中和道院以詩名士大夫間

○蒲團道人徐姓衣敝袍住上眞觀二十一年弗更略無垢或數

十日不食每下山與村犬狎聚或與兒童嬉戲人咸稱徐癡云有計生者從道人遊忽一日遣生詣方丈告別比反已端坐蛻化矣計哭之曰師忍棄我往乎道人微笑若首肯者計在旁亦端坐化去事在乾隆四十年以上前志

○宋太愷字冲陽崑山人愛讀道家言入茅山爲道士得詹真人法箴在辛諸乾一嘗師事之間以飛昇黃白之術叱曰外道也住揚州瓊花觀最久不與儔類伍遇青神余楮遂訂莫逆交時有唱酬之作有山居樂集江蘇詩徵

○李宣仁玄妙觀道士也年八十餘素有道術人以李仙人稱之乾隆五十年吳中亢旱郡守胡世銓延李祈雨強而後可



築壇觀中祭壇拜禱日凡三度一日觀者甚眾李手一鏡用
 黑紗包之向日摩轉不巳久之日光漸淡黑雲生如掌李乃
 取竹一根形如釣竿向雲抵昂作勢若釣魚狀雲漸大俄至
 中天覆日上雷聲隱隱觀者引領望雨乃僅灑數點而止李
 棄竿歎曰此天意也不可強遂焚符下須臾仍雲散日出後
 再禱許二十四日雨至期果然

吳門補乘

